

नमो नमो निम्मलदंसणस्स
पूज्य आनंद-क्षमा-ललित-सुशील-सुधर्मसागर गुरुभ्यो नमः

On Line – आगममंजूषा

[४२] दसवेयालियं

* संकलन एवं प्रस्तुतकर्ता *

मुनि दीपरत्नसागर [M.Com., M.Ed., Ph.D.]

॥ किञ्चित् प्रास्ताविकम् ॥

ये आगम-मंजूषा का संपादन आजसे ७० वर्ष पूर्व अर्थात् वीर संवत् २४६८, विक्रम संवत्-१९९८, ई.स.1942 के दौरान हुआ था, जिनका संपादन पूज्य आगमोद्धारक आचार्यश्री [आनंदसागरसूरिजी](#) म.सा.ने किया था। आज तक उन्ही के प्रस्थापित-मार्ग की रोशनी में सब अपनी-अपनी दिशाएँ ढूँढते आगे बढ़ रहे हैं।

हम ७० साल के बाद आज ई.स.-2012, विक्रम संवत्-२०६८, वीर संवत्-२५३८ में वो ही आगम-मंजूषा को कुछ उपयोगी परिवर्तनों के साथ इंटरनेट के माध्यम से सर्वथा सर्वप्रथम “**OnLine-आगममंजूषा**” नाम से प्रस्तुत कर रहे हैं।

* मूल आगम-मंजूषा के संपादन की किञ्चित् भिन्नता का स्वीकार *

- [१] आवश्यक सूत्र-(आगम-४०) में केवल मूल सूत्र नहीं है, मूल सूत्रों के साथ निर्युक्ति भी सामिल की गई है।
[२] जीतकल्प सूत्र-(आगम-३८) में भी केवल मूल सूत्र नहीं है, मूलसूत्रों के साथ भाष्य भी सामिल किया है।
[३] जीतकल्प सूत्र-(आगम-३८) का वैकल्पिक सूत्र जो “पंचकल्प” है, उनके भाष्य को यहाँ सामिल किया गया है।

[४] “ओघनिर्युक्ति”-(आगम-४१) के वैकल्पिक आगम “पिंडनिर्युक्ति” को यहाँ समाविष्ट तो किया है, लेकिन उनका मुद्रण-स्थान बदल गया है।


[५] “कल्प(बारसा)सूत्र” को भी मूल आगममंजूषा में सामिल किया गया है।

-मुनि दीपरत्नसागर

: Address:-

Mnui Deepratnasagar,
MangalDeep society, Opp.DholeswarMandir,
POST:- THANGADH Dist.surendranagar.
Mobile:-9825967397 jainmunideepratnasagar@gmail.com

मुनि दीपरत्नसागर



श्रीदशवैकालिकसूत्रम्- नमो सज्जंभवायरियस्स ॥ धम्मो मंगलमुक्किट्टं, अहिंसा संजमो तवो । देवावि तं नमंसंति, जस्स धम्मो सया मणो ॥ १ ॥ जहा दुमस्स पुप्फेसु, भमरो आवियइ रसं । ण य पुप्फं किलामेइ, सो य पीणेइ अप्पयं ॥ २ ॥ एमेए समणा मुत्ता, जे लोए संति साहुणो । विहंगमा व पुप्फेसु, दाणभत्ते-सणा(णे)रया ॥ ३ ॥ वयं च वित्तिं लब्भामो, न य कोइ उवहम्मइ । अहागडेसु रीयंते, पुप्फेसु भमरा जहा ॥ ४ ॥ महुगारसमा बुद्धा, जे भवंति अणिस्सिया । नाणापिंडरया दंता, तेण वुच्चंति साहुणो ॥ ५ ॥ त्ति बेमि ॥ दुमपुप्फियज्झयणं १ ॥ कहां नु कुज्जा सामणं, जो कामे न निवारए । पए पए विसीदंतो, संकप्पस्स वसं गओ ? ॥ ६ ॥ वत्थगंधमलंकारं, इत्थीओ सयणाणि य । अचलंदा जे न भुंजंति, न से चाइत्ति वुच्चइ ॥ ७ ॥ जे य कंते पिए भोए, लद्धे विपिट्टिकुब्वइ । साहीणे चयई भोए, से हु चाइत्ति वुच्चइ ॥ ८ ॥ समाएँ पेहाएँ परिच्चयंतो, सिया मणो निस्सरइं बहिद्धा । न सा महं नोवि अहंपि तीसे, इच्चेव ताओ विणइज्ज रागं ॥ ९ ॥ आयावयाहि चय सोगमल्लं, कामे कमाही कमियं खु दुक्खं । छिंदाहि दोसं विणएज्ज रागं, एवं सुही होहिसि संपराए ॥ १० ॥ पक्खंदे जलियं जोइं, धूमकेउं दुरासयं । नेच्छन्ति वंतयं भोत्तुं, कुले जाया अगंधणे ॥ १ ॥ धिरत्थु ते जसोकामी, जो तं जीवियकारणा । वंतं इच्छसि आवेउं, सेयं ते मरणं भवे ॥ २ ॥ अहं च भोगरायस्स, तं चऽसि अंधगवण्हिणो । मा कुले गंधणा होमो, संजमं निहुओ चर ॥ ३ ॥ जइ तं काहिसि भावं, जा जा दिच्छसि नारीओ । वीयाविद्धुव्व हडो, अट्टिअप्पा भविस्ससि ॥ ४ ॥ तीसे सो वयणं सोच्चा, संजयाइ सुभासियं । अंकुसेण जहा नागो, धम्मो संपडिवाइओ ॥ ५ ॥ एवं करंति संबुद्धा, पंडिया पवियक्खणा । विणियट्टंति भोगेसु, जहा से पुरिसुत्तमो ॥ ६ ॥ त्ति बेमि ॥ सामन्नपुव्वियज्झयणं २ ॥ संजमे सुट्टिअप्पाणं, विप्पमुक्काण ताइणं । तेसिमेयमणाइणं, निग्गंथाण महेसिणं ॥ ७ ॥ उद्देसियं कीयगडं, नियागमभिहडाणि य । राइभत्ते सिणाणे य, गंधमल्ले य वीयणे ॥ ८ ॥ संनिही गिहिमत्ते य, रायपिंडे किमिच्छए । संवाहणा दंतपहोयणा य, संपुच्छणा देहपलोयणा य ॥ ९ ॥ अट्टावए य नालीए, छत्तस्स य धारणट्टाए । तेगिच्छं पाणहा पाए, समारंभं च जोइणो ॥ २० ॥ सिज्जायरपिंडं च, आसंदी पलियंकए । गिहंतरनिसिज्जा य, गायस्सुव्वट्टणाणि य ॥ १ ॥ गिहिणो वेआवडियं, जा य आजीववत्तिया । तंतानिबुडभोइत्तं, आउस्सरणाणि य ॥ २ ॥ मूलए सिंगबेरे य, उच्छुखंडे अनिव्वुडे । कंदे मूले य सच्चित्ते, फले बीए य आमए ॥ ३ ॥ सोवच्चले सिंधवे लोणे, रोमालोणे य आमए । सामुद्दे पंसुखारे य, कालालोणे य आमए ॥ ४ ॥ धुवणेत्ति वमणे य, वत्थीकम्मो विरेयणे । अंजणे दंतवणे य, गायब्भंगविभूसणे ॥ ५ ॥ सव्वमेयमणाइन्नं निग्गंथाण महेसिणं । संजमंमि अ जुत्ताणं, लहुभूयविहारिणं ॥ ६ ॥ पंचासवपरिणयाया, तिगुत्ता छसु संजया । पंचनिग्गहणा धीरा, निग्गंथा उज्जुदंसिणो ॥ ७ ॥ आयावयंति गिम्हेसु, हेमंतेसु अवाउडा । वासासु पडिसंलीणा, संजया सुसमाहिया ॥ ८ ॥ परीसहरिऊदंता, धूअमोहा जिइंदिया । सव्वदुक्खप्पहीणट्टा, पक्कमंति महेसिणो ॥ ९ ॥ दुक्कराइं करित्ताणं, दुस्सहाइं सहेत्तु य । केइत्थ देवलोएसु, केइ सिज्झंति नीरया ॥ ३० ॥ खवित्ता पुव्वकम्माइं, संजमेण तवेण य । सिद्धिमग्गमणुप्पत्ता, ताइणो परिणिव्वुड ॥ ३१ ॥ त्ति बेमि ॥ इइ खुड्डियायारकहज्झयणं ३ ॥ सुअं मे आउसंतेणं भगवया एवमक्खायं-इह खलु छजीवणियानामज्झयणं समणेणं भगवया महावीरेणं कासवेणं पवेइया सुअक्खाया सुपन्नत्ता सेअं मे अहिज्जिउं अज्झयणं धम्मपन्नत्ती, कयरा खलु सा छजीवणियानामज्झयणं समणेणं भयवया जाव धम्मपन्नत्ती?, इमा खलु सा छजीवणियानामज्झयणं समणेणं भगवया जाव धम्मपन्नत्ती, तंजहा-पुढवीकाइया आउकाइया तेउकाइया वाउकाइया वणस्सइकाइया तसकाइया, पुढवी चित्तमंतमक्खाया अणेगजीवा पुढोसत्ता अन्नत्थ सत्थपरिणएणं आऊ चित्तमंतमक्खाया अणेगजीवा पुढोसत्ता अन्नत्थ सत्थपरिणएणं तेऊ चित्तमंतमक्खाया अणेगजीवा पुढोसत्ता अन्नत्थ सत्थपरिणएणं वाऊ चित्तमंतमक्खाया अणेगजीवा पुढोसत्ता अन्नत्थ सत्थपरिणएणं, तंजहा-अग्गबीया मूलबीया पोरबीया खंधबीया बीयरूहा संमुच्छिमा तणलया वणस्सइकाइया सबीया चित्तमंतमक्खाया अणेगजीवा पुढोसत्ता अन्नत्थ सत्थपरिणएणं, से जे पुण इमे अणेगे बहवे तसा पाणा तंजहा-अंडया पोयया जराउया रसया संसेइमा संमुच्छिमा उब्भिया उववाइया, जेसिं केसिंचि पाणाणं अभिक्कंतं पडिक्कंतं संकुचियं पसारियं रुयं भंतं तसियं पलाइयं आगइगइविन्नाया जे य कीडपयंगा जा य कुंथुपिवीलिया सब्बे बेइंदिया सब्बे तेइंदिया सब्बे चउरिंदिया सब्बे पंचिंदिया सब्बे तिरिक्खजोणिया सब्बे नेरइया सब्बे मणुया सव्वे देवा सव्वे पाणा परमाहम्मिआ, एसो खलु छट्टो जीव-निकाओ तसकाउत्ति पवुच्चइ । सू० १ । इच्चेसिं छण्हं जीवनिकायाणं नेव सयं दंडं समारंभिज्जा नेवन्नेहिं दंडं समारंभाविज्जा दंडं समारंभंतेऽवि अन्ने न समणुजाणामि(णे ज्जा) जावजीवाए तिविहंतिविहेणं, मणेणं वायाए काएणं न करेमि न कारवेमि करंतंपि अन्नं न समणुजाणामि, तस्स भंते ! पडिक्कमामि निंदामि गरिहामि अप्पाणं वोसिरामि । सू० २ । पढमे भंते ! महव्वए?, पाणाइवायाओ वेरमणं, सब्बं भंते ! पाणाइवायं पच्चक्खामि, से सुहुमं वा बायरं वा तसं वा थावरं वा नेव सयं पाणे अइवाइज्जा नेवऽन्नेहिं पाणे अइवायाविज्जा पाणे अइवायं-

तेऽवि अन्ने न समणुजाणामि(णेज्जा,)जावज्जीवाए तिविहंतिविहेणं, मणेणं वायाए काएणं न करेमि न कारवेमि करंतंपि अन्नं न समणुजाणामि, तस्स भंते ! पडिक्कमामि निंदामि गरिहामि अप्पाणं वोसिरामि । पढमे भंते ! महव्वए उवट्टिओ मि सव्वाओ पाणाइवायाओ वेरमणं । ३ । अहावरे दुच्चे भंते ! महव्वए ?, मुसावायाओ वेरमणं, सव्वं भंते ! मुसावायं पच्चक्खामि, से कोहा वा लोहा वा भया वा हासा वा नेव सयं मुसं वइज्जा नेवऽन्नेहिं मुसं वायाविज्जा मुसं वयंतेऽवि अन्ने न समणुजाणामि जावज्जीवाए तिविहंतिविहेणं, मणेणं वायाए काएणं न करेमि न कारवेमि करंतंपि अन्नं न समणुजाणामि, तस्स भंते ! पडिक्कमामि निंदामि गरिहामि अप्पाणं वोसिरामि । दुच्चे भंते ! महव्वए उवट्टिओ मि सव्वाओ मुसावायाओ वेरमणं । ४ । अहावरे तच्चे भंते ! महव्वए ?, अदिन्नादाणाओ वेरमणं, सव्वं भंते ! अदिन्नादाणं पच्चक्खामि, से गामे वा नगरे वा रण्णे वा अप्पं वा बहं वा अणुं वा थूलं वा चित्तमंतं वा अचित्तमंतं वा नेव सयं अदिन्नं गिण्हज्जा नेवऽन्नेहिं अदिन्नं गिण्हाविज्जा अदिन्नं गिण्हंतेऽवि अन्ने न समणुजाणामि जावज्जीवाए तिविहंतिविहेणं, मणेणं वायाए काएणं न करेमि न कारवेमि करंतंपि अन्नं न समणुजाणामि, तस्स भंते ! पडिक्कमामि निंदामि गरिहामि अप्पाणं वोसिरामि । तच्चे भंते ! महव्वए उवट्टिओ मि सव्वाओ अदिन्नादाणाओ वेरमणं । ५ । अहावरे चउत्थे भंते ! महव्वए ?, मेहुणाओ वेरमणं, सव्वं भंते ! मेहुणं पच्चक्खामि, से दिव्वं वा माणुसं वा तिरिक्खजोणियं वा नेव सयं मेहुणं सेविज्जा नेवऽन्नेहिं मेहुणं सेवाविज्जा मेहुणं सेवंतेऽवि अन्ने न समणुजाणामि(णेज्जा,) जावज्जीवाए तिविहंतिविहेणं, मणेणं वायाए काएणं न करेमि न कारवेमि करंतंपि अन्नं न समणुजाणामि, तस्स भंते ! पडिक्कमामि निंदामि गरिहामि अप्पाणं वोसिरामि । चउत्थे भंते ! महव्वए उवट्टिओ मि सव्वाओ मेहुणाओ वेरमणं । ६ । अहावरे पंचमे भंते ! महव्वए ?, परिग्गहाओ वेरमणं, सव्वं भंते ! परिग्गहं पच्चक्खामि, से अप्पं वा बहं वा अणुं वा थूलं वा चित्तमंतं वा अचित्तमंतं वा नेव सयं परिग्गहं परिगिण्हज्जा नेवऽन्नेहिं परिग्गहं परिगिण्हाविज्जा परिग्गहं परिगिण्हंतेऽवि अन्ने न समणुजाणामि, जावज्जीवाए तिविहंतिविहेणं, मणेणं वायाए काएणं न करेमि न कारवेमि करंतंपि अन्नं न समणुजाणामि, तस्स भंते ! पडिक्कमामि निंदामि गरिहामि अप्पाणं वोसिरामि । पंचमे भंते ! महव्वए उवट्टिओ मि सव्वाओ परिग्गहाओ वेरमणं । ७ । अहावरे छट्ठे भंते ! वए ?, राईभोयणाओ वेरमणं, सव्वं भंते ! राईभोयणं पच्चक्खामि, से असणं वा पाणं वा खाइमं वा साइमं वा नेव सयं राइं भुंजेज्जा नेवऽन्नेहिं राइं भुंजाविज्जा राइं भुंजंतेऽवि अन्ने न समणुजाणेज्जा, जावज्जीवाए तिविहंतिविहेणं, मणेणं वायाए काएणं न करेमि न कारवेमि करंतंपि अन्नं न समणुजाणामि, तस्स भंते ! पडिक्कमामि निंदामि गरिहामि अप्पाणं वोसिरामि । छट्ठे भंते ! वए उवट्टिओ मि सव्वाओ राईभोयणाओ वेरमणं । ८ । इच्चेयाइं पंच महव्वयाइं राइभोयणवेरमणछट्ठाइं अत्तहियट्टयाए उवसंपज्जित्ताणं विहरामि । ९ । से भिक्खू वा भिक्खुणी वा संजयविरयपडिहयपच्चक्खायपावकम्मे दिआ वा राओ वा एगओ वा परिसागओ वा सुत्ते वा जागरमाणे वा से पुढविं वा भित्तिं वा सिलं वा लेलुं वा ससरक्खं वा कायं ससरक्खं वा वत्थं हत्थेण वा पाएण वा कट्टेण वा किलिंचेण वा अंगुलियाए वा सिलागाए वा सिलागहत्थेण वा न आलिहिज्जा न विलिहिज्जा न घट्टिज्जा न भिंदेज्जा अन्नं न आलिहाविज्जा न विलिहाविज्जा न घट्टाविज्जा न भिंदाविज्जा अन्नं आलिहंतं वा विलिहंतं वा घट्टंतं वा भिंदंतं वा न समणुजाणेज्जा(णामि) जावज्जीवाए तिविहंतिविहेणं मणेणं वायाए काएणं न करेमि न कारवेमि करंतंपि अन्नं न समणुजाणामि, तस्स भंते ! पडिक्कमामि निंदामि गरिहामि अप्पाणं वोसिरामि । १० । से भिक्खू वा भिक्खुणी वा संजयविरयपडिहयपच्चक्खायपावकम्मे दिआ वा राओ वा एगओ वा परिसागओ वा सुत्ते वा जागरमाणे वा से उदगं वा ओसं वा हिमं वा महियं वा करगं वा हरतणुगं वा सुद्धोदगं वा उदउल्लं वा कायं उदउल्लं वा वत्थं ससिणिद्धं वा कायं ससिणिद्धं वा वत्थं न आमसिज्जा न संफुसिज्जा न आवीलिज्जा न पवीलिज्जा न अक्खोडिज्जा न पक्खोडिज्जा न आयाविज्जा न पयाविज्जा अन्नं न आमसाविज्जा न संफुसाविज्जा न आवीलाविज्जा न पवीलाविज्जा न अक्खोडाविज्जा न पक्खोडाविज्जा न आयाविज्जा न पयाविज्जा अन्नं आमसंतं वा संफुसंतं वा आवीलंतं वा पवीलंतं वा अक्खोडंतं वा पक्खोडंतं वा आयावंतं वा पयावंतं वा न समणुजाणेज्जा जावज्जीवाए तिविहंतिविहेणं मणेणं वायाए काएणं न करेमि न कारवेमि करंतंपि अन्नं न समणुजाणामि, तस्स भंते ! पडिक्कमामि निंदामि गरिहामि अप्पाणं वोसिरामि । ११ । से भिक्खू वा भिक्खुणी वा संजयविरयपडिहयपच्चक्खायपावकम्मे दिआ वा राओ वा एगओ वा परिसागओ वा सुत्ते वा जागरमाणे वा से अगणिं वा इंगालं वा मुम्मुरं वा अच्चिं वा जालं वा अलायं वा सुद्धागणिं वा उक्कं वा न उंजेज्जा न घट्टेज्जा न उज्जालेज्जा न निव्वावेज्जा अन्नं न उंजावेज्जा न घट्टावेज्जा न उज्जालावेज्जा न निव्वावेज्जा अन्नं उंजंतं वा घट्टंतं वा उज्जालंतं वा निव्वावंतं वा न समणुजाणेज्जा जावज्जीवाए तिविहंतिविहेणं मणेणं वायाए काएणं न करेमि न कारवेमि करंतंपि अन्नं न समणुजाणामि तस्स भंते ! पडिक्कमामि निंदामि गरिहामि अप्पाणं वोसिरामि । १२ । से भिक्खू वा भिक्खुणी वा संजयविरयपडिहयपच्चक्खायपावकम्मे दिआ वा राओ वा एगओ वा परिसागओ वा सुत्ते जागरमाणे वा से सिएण वा विहुयणेण (३११)

वा नालिअंटेण वा पत्तेण वा पत्तभंगेण वा साहाए वा साहाभंगेण वा पिहुणेण वा पिहुणहत्थेण वा चेलेण वा चेलकण्णेण वा हत्थेण वा मुहेण वा अप्पणो वा कायं बाहिरं वावि पुग्गलं न फुमेज्जा न वीएज्जा अन्नं न फुमाक्केज्जा न वीआवेज्जा अन्नं फुमंतं वा वीअंतं वा न समणुजाणामि जावजीवाए तिविहंतिविहेणं मणेणं वायाए काएणं न करेमि न कारवेमि करंतंपि अन्नं न समणुजाणामि तस्स भंते ! पडिक्कमामि निंदामि गरिहामि अप्पाणं वोसिरामि । १३ । से भिक्खू वा भिक्खुणी वा संजयविरयपडिहयपच्चक्खायपावकम्मं दिआ वा राओ वा एगओ वा परिसागओ वा सुत्ते वा जागरमाणे वा से वीएसु वा वीयपइट्टेसु वा रूढेसु वा रूढपइट्टेसु वा जाएसु वा जायपइट्टेसु वा हरिएसु वा हरियपइट्टेसु वा छिभेसु वा छिभपइट्टेसु वा सचित्तेसु वा सचित्तकोलपडिनिस्सिएसु वा न गच्छेज्जा न चिट्ठेज्जा न निसीइज्जा न तुअट्टेज्जा अन्नं न गच्छावेज्जा न चिट्ठावेज्जा न निसीयावेज्जा न तुअट्ठाविज्जा अन्नं गच्छंतं वा चिट्ठंतं वा निसीयंतं वा तुयट्ठंतं वा न समणुजाणामि जावजीवाए तिविहंतिविहेणं मणेणं वायाए काएणं न करेमि न कारवेमि करंतंपि अन्नं न समणुजाणामि तस्स भंते ! पडिक्कमामि निंदामि गरिहामि अप्पाणं वोसिरामि । १४ । से भिक्खू वा भिक्खुणी वा संजयविरयपडिहयपच्चक्खायपावकम्मं दिआ वा राओ वा एगओ वा परिसागओ वा सुत्ते वा जागरमाणे वा से कीडं वा पर्यंगं वा कुंथुं वा पिवीलियं वा हत्थंसि वा पायंसि वा बाहुंसि वा ऊरुंसि वा उदरंसि वा सीसंसि वा वत्थंसि वा पायंसि वा रयहरणंसि वा गोच्छगंसि वा उंडगंसि वा दंडगंसि वा पीढेगंसि वा फल्लगंसि वा सेज्जंसि वा संथारगंसि वा अन्नयरंसि वा तहप्पगारे उवगरणजाए तओ संजयामेव पडिलेहिय पडिलेहिय पमजिय पमजिय एगंते अवणेज्जा, नोणं संघायमावजेज्जा । १५ । 'अजयं चरमाणो य (उ), पाणभूयाइं हिंसइ । बंधइं पावयं कम्मं, तं से होइ कडुयं फलं ॥ ३२ ॥ अजयं चिट्ठमाणो य, पाणभूयाइं ० ॥ ३ ॥ अजयं आसमाणो य, पाणभूयाइं ० ॥ ४ ॥ अजयं सयमाणो य, पाणभूयाइं ० ॥ ५ ॥ अजयं भुंजमाणो य, पाणभूयाइं ० ॥ ६ ॥ अजयं भासमाणो य, पाणभूयाइं ० ॥ ७ ॥ कहां चरे कहां चिट्ठे, कहमासे कहां सए । कहां भुंजंतो भासंतो, पावं कम्मं न बंधइ ? ॥ ८ ॥ जयं चरे जयं चिट्ठे, जयमासे जयं सए । जयं भुंजंतो भासंतो, पावं कम्मं न बंधइ ॥ ९ ॥ सब्भूयप्पभूयस्स, सम्मं भूयाइं पासओ । पिहियासवस्स दंतस्स, पावं कम्मं न बंधइ ॥ ४० ॥ पढमं नाणं तउ दया, एवं चिट्ठइ सब्भसंजए । अन्नाणी किं काही, किं वा नाही छेअपावगं ? ॥ १ ॥ सोच्चा जाणइ कट्ठाणं, सोच्चा जाणइ पावगं । उभयंपि जाणए सोच्चा, ज छेयं तं समायरे ॥ २ ॥ जो जीवेवि न याणेइ, अजीवेवि न याणइ । जीवाजीवे अयाणंतो, कह सो नाहीइ संजमं ? ॥ ३ ॥ जो जीवेवि वियाणेइ, अजीवेवि वियाणइ । जीवाजीवे वियाणंतो, सो हु नाहीइ संजमं ॥ ४ ॥ जया जीवमजीवे य, दोऽवि एए वियाणइ । तया गइं बहुविहं, सब्बजीवाण जाणइ ॥ ५ ॥ जया गइं बहुविहं, सब्बजीवाण जाणइ । तया पुण्णं च पावं च, बंधं मुक्खं च जाणइ ॥ ६ ॥ जया पुण्णं च पावं च, बंधं मुक्खं च जाणइ । तया निब्बिदए भोए, जे दिव्वे जे य माणुसे ॥ ७ ॥ जया निब्बिदए भोगे, जे दिव्वे जे य माणुसे । तया चयइ संजोगं, सच्चिभतर(स)बाहिरं ॥ ८ ॥ जया चयइ संजोगं, सच्चिभतर(स)बाहिरं । तया मुंडे भवित्ताणं, पव्वइए अणगारिअं ॥ ९ ॥ जया मुंडे भवित्ताणं, पव्वइए अणगारिअं । तया संवरमुक्किट्ठं, धम्मं फासे अणुत्तरं ॥ ५० ॥ जया संवरमुक्किट्ठं, धम्मं फासे अणुत्तरं । तया धुणइ कम्मरयं, अबोहिकलुसंकडं ॥ १ ॥ जया धुणइ कम्मरयं, अबोहिकलुसंकडं । तया सब्बत्तं नाणं, दंसणं चाभिगच्छइ ॥ २ ॥ जया सब्बत्तं नाणं, दंसणं चाभिगच्छइ । तया लोगमलोगं च, जिणो जाणइ केवली ॥ ३ ॥ जया लोगमलोगं च, जिणो जाणइ केवली । तया जोगे निरुंभित्ता, सेलेसिं पडिवज्जइ ॥ ४ ॥ जया जोगे निरुंभित्ता, सेलेसिं पडिवज्जइ । तया कम्मं खवित्ताणं, सिद्धिं गच्छइ नीरओ ॥ ५ ॥ जया कम्मं खवित्ताणं, सिद्धिं गच्छइ नीरओ । तया लोगमत्थयत्थो, सिद्धो हवइ सासओ ॥ ६ ॥ सुहसायगस्स समणस्स, सायाउलगस्स निगामसाइस्स । उच्छोलणापहोअस्स, दुलहा सुगई तारिसगस्स ॥ ७ ॥ तवोगुणपहाणस्स, उज्जुमइखंतिसंजमरयस्स । परीसहे जिणंतस्स, सुलहा सुगई तारिसगस्स ॥ ८ ॥ पच्छावि ते पयाया खिप्पं गच्छंति अमरभवणाइं । जेसिं पिओ तवो संजमो य खंती य बंधचेरं च ॥ ५० १ ॥ इच्चेअं छज्जीवणिअं, सम्मदिट्ठी सया जए । दुल्लहं लहित्तु सामण्णं, कम्मणा न विराहिज्जासि ॥ ९ ॥ त्ति वेमि ॥ जीवाजीवाहिगमो चरित्तधम्मो तहेव जयणा य । उवएसो धम्मफलं छज्जीवणिआइ अहिगारा ॥ २ ॥ पट्टिए कहिए अहिगय परिहर उट्ठावणाइ कप्पुत्ति । छक्कं तीय (तीहि) विसुद्धं परिहर नवएहिं भेएहिं ॥ ३ ॥ अणहीया खलु जेणं पिंडेसणज्झयण एवमाईया । तेणाणियाणि जइणो कप्पंति न पिंडमाईणि ॥ ४ ॥ पडपासाउरमाई दिट्ठंता हुंति वयसमारुहणे । जह मलिणाइसु दोसाऽसुद्धाइसु ते य इहयंपि ॥ ५० ५ ॥ छज्जीवणिआणामज्झयणं समत्तं ४ ॥ संपत्ते भिक्खकालंमि, असंभंतो अमुच्छिओ । इमेण कमजोगेण, भत्तपाणं गवेसए ॥ ६० ॥ से गामे वा नगरे वा, गोअरग्गओ मुणी । चरे मंदमणुच्चिग्गो, अव्वक्खित्तेण चेषसा ॥ १ ॥ पुरओ जुगमायाए, पेहमाणो महिं चरे । वजंतो वीअहरियाइं, पाणे य दगमट्ठियं ॥ २ ॥ ओवायं विसमं खाणुं, विज्जलं परि-

वज्रए । संक्रमेण न गच्छिज्जा, विज्जमाणे परक्कमे ॥ ३ ॥ पवडंते व से तत्थ, पक्खलंते व संजए । हिंसेज पाणभूयाइं, तसे अदुव थावरे ॥ ४ ॥ तम्हा तेण न गच्छिज्जा, संजए सुसमाहिए ।
 सइ अन्नेण मग्गेण, जयमेव परक्कमे ॥ ५ ॥ इंगालं छारियं रासिं, तुसरासिं च गोमयं । ससरक्खेहिं पाएहिं, संजओ तं नऽइक्कमे ॥ ६ ॥ न चरेज्ज वासे वासंते, महियाए व पडंतिए । महा-
 वाए व वायंते, तिरिच्छसंपाइमेसु वा ॥ ७ ॥ न चरेज्ज वेससामंते, बंभचेरवसाणुए । बंभयारिस्स दंतस्स, हुज्जा तत्थ विसुत्तिआ ॥ ८ ॥ अणाययणे चरंतस्स, संसग्गीए अभिक्खणं ।
 हुज्ज वयाणं पीळा, सामन्नंमि य संसओ ॥ ९ ॥ तम्हा एयं विआणित्ता, दोसं दुग्गइवड्ढणं । वज्रए वेससामंतं, मुणी एगंतमस्सिए ॥ १० ॥ साणं सूइयं गाविं, दित्तं गोणं हयं गयं ।
 संडिम्भं कलहं जुद्धं, दूरओ परिवज्जए ॥ १ ॥ अणुन्नए नावणए, अप्पहिट्ठे अणाउले । इंदिआणि जहाभागं, दमइत्ता मुणी चरे ॥ २ ॥ दवदवस्स न गच्छेज्जा, भासमाणो य गोअरे ।
 हसंतो नाभिगच्छिज्जा, कुलं उच्चावयं सया ॥ ३ ॥ आलोअं थिग्गलं दारं, संधिं दगभवणाणि य । चरंतो न विनिज्झाए, संकट्टाणं विवज्जए ॥ ४ ॥ रण्णो गिहवईणं च, रहस्सारक्खियाणि
 य । संकिलेसकरं ठाणं, दूरओ परिवज्जए ॥ ५ ॥ पडिकुट्टकुलं न पविसे, मामगं परिवज्जए । अचिअत्तकुलं न पविसे, चिअत्तं पविसे कुलं ॥ ६ ॥ साणीपावारपिहिअं, अप्पणा नावपंगुरे ।
 कवाडं नो पणुल्लिज्जा, उग्गहंसि अजाइआ ॥ ७ ॥ गोअरग्गपविट्ठो उ, वच्चमुत्तं न धारए । ओगासं फासुअं नच्चा, अणुन्नविअ वोसिरे ॥ ८ ॥ णीअदुवारं तमसं, कुट्टगं परिवज्जए । अच-
 क्खुविसओ जत्थ, पाणा दुप्पडिलेहगा ॥ ९ ॥ जत्थ पुप्फाइं बीआइं, विप्पइन्नाइं कुट्टए । अहुणोवलित्तं उल्लं, दट्ठूणं परिवज्जए ॥ १० ॥ एलगं दारगं साणं, वच्छगं वावि कुट्टए । उल्लं-
 धिआ न पविसे, विउहित्ताणं व संजए ॥ १ ॥ असंसत्तं पलोइज्जा, नाइदूराऽवलोअए । उप्फुल्लं न विनिज्झाए, निअट्टिज्ज अयंपिरो ॥ २ ॥ अइभूमिं न गच्छेज्जा, गोअरग्गओ मुणी ।
 कुलस्स भूमिं जाणित्ता, मिअं भूमिं परक्कमे ॥ ३ ॥ तत्थेव पडिलेहिज्जा, भूमिभागं विअक्खणो । सिणाणस्स य वच्चस्स, संलोगं परिवज्जए ॥ ४ ॥ दगमट्टिअआयाणे, बीआणि हरि-
 आणि अ । परिवज्जंतो चिट्ठिज्जा, सव्विंदिअसमाहिए ॥ ५ ॥ तत्थ से चिट्ठमाणस्स, आहरे पाणभोअणं । अकप्पिअं न गेण्हिज्जा, पडिगाहिज्ज कप्पिअं ॥ ६ ॥ आहरंती सिआ तत्थ,
 परिसाडिज्ज भोअणं । दित्तिअं पडिआइक्खे, न मे कप्पइ तारिसं ॥ ७ ॥ संमइमाणी पाणाणि, बीआणि हरिआणि अ । असंजमकरिं नच्चा, तारिसिं परिवज्जए ॥ ८ ॥ साहट्टु निक्खि-
 वित्ताणं, सचित्तं घट्टियाणि य । तहेव समणट्टाए, उदगं संपणुल्लिया ॥ ९ ॥ ओगाहइत्ता चलइत्ता, आहरे पाणभोअणं । दित्तिअं पडिआइक्खे, न मे कप्पइ तारिसं ॥ १० ॥ पुरेक्कमेण
 हत्थेण, दब्बीए भायणेण वा । दित्तिअं पडिआइक्खे, न मे कप्पइ तारिसं ॥ १ ॥ एवं-उदउल्ले ससिणिद्धे, ससरक्खे मट्टिआउसे । हरिआले हिंगुलए, मणोसिला अंजणे लोणे ॥ २ ॥ गेरुय-
 वणिणयसेडी(टी)य, सोरट्टिय पिट्टुकुसकए य । उक्किट्टमसंसट्टे, संसट्टे चेव बोद्धवे ॥ ३ ॥ असंसट्टेण हत्थेण, दब्बीए भायणेण वा । दिज्जमाणं न इच्छिज्जा, पच्छाक्कम्मं जहिं भवे ॥ ४ ॥
 संसट्टेण य हत्थेण, दब्बीए भायणेण वा । दिज्जमाणं पडिच्छिज्जा, जं तत्थेसणियं भवे ॥ ५ ॥ दुण्हं तु भुंजमाणानं, एगो तत्थ निमंतए । दिज्जमाणं न इच्छिज्जा, छंदं से पडिलेहए
 ॥ ६ ॥ दुण्हं तु भुंजमाणानं, दोऽवि तत्थ निमंतए । दिज्जमाणं पडिच्छिज्जा, जं तत्थेसणियं भवे ॥ ७ ॥ गुव्विणीए उवण्णत्थं, विविहं पाणभोयणं । भुंजमाणं विवज्जिज्जा, भुत्तसेसं पडि-
 च्छए ॥ ८ ॥ सिया य समणट्टाए, गुव्विणी कालमासिणी । उट्टिया वा निसीइज्जा, निसन्ना वा पुणुट्टए ॥ ९ ॥ तं भवे भत्तपाणं तु, संजयाण अकप्पियं । दित्तियं पडिआइक्खे, न मे कप्पइ
 तारिसं ॥ १० ॥ थणगं पिजेमाणी, दारगं वा कुमारियं । तं निक्खिवित्तु रोअंतं, आहरे पाणभोयणं ॥ १ ॥ तं भवे भत्तपाणं तु, संजयाण अकप्पियं । दित्तियं पडिआइक्खे, न मे कप्पइ
 तारिसं ॥ २ ॥ जं भवे भत्तपाणं तु, कप्पाक्कप्पंमि संकिंयं । दित्तियं पडिआइक्खे, न मे कप्पइ तारिसं ॥ ३ ॥ दगवारएण पिहियं, नीसाए पीढएण वा । लोढेण वावि लेवेण, सिलेसेणवि
 केणई ॥ ४ ॥ तं च उब्भिदिया दिज्जा, समणट्टाए व दावए । दित्तियं पडिआइक्खे, न मे कप्पइ तारिसं ॥ ५ ॥ असणं पाणगं वावि, खाइमं साइमं तहा । जं जाणिज्ज सुणिज्जा वा,
 दाणट्टा पगडं इमं ॥ ६ ॥ तारिसं भत्तपाणं तु, संजयाण अकप्पियं । दित्तियं पडिआइक्खे, न मे कप्पइ तारिसं ॥ ७ ॥ असणं पाणगं वावि, खाइमं साइमं तहा । जं जाणिज्ज सुणिज्जा
 वा, पुण्णट्टा पगडं इमं ॥ ८ ॥ तं भवे भत्तपाणं तु, संजयाण अकप्पिअं । दित्तिअं पडिआइक्खे, न मे कप्पइ तारिसं ॥ ९ ॥ असणं पाणगं वावि, खाइमं साइमं तहा । जं जाणिज्जा सु-
 णिज्जा वा, वणिमट्टा पगडं इमं ॥ ११ ॥ तं भवे भत्तपाणं तु, संजयाण अकप्पिअं । दित्तिअं पडिआइक्खे, न मे कप्पइ तारिसं ॥ १ ॥ असणं पाणगं वावि, खाइमं साइमं तहा । जं जा-
 णिज्जा सुणिज्जा वा, समणट्टा पगडं इमं ॥ २ ॥ तं भवे भत्तपाणं तु, संजयाण अकप्पिअं । दित्तिअं पडिआइक्खे, न मे कप्पइ तारिसं ॥ ३ ॥ उद्देसिअं कीअगडं, पूइक्कम्मं च आहडं ।
 अज्झोअर पामिच्चं, मीसजायं च वज्जए ॥ ४ ॥ उग्गमं से अ पुच्छिज्जा, कस्सट्टा केण वा कडं ? । सुच्चा निस्संकिअं सुद्धं, पडिगाहिज्ज संजए ॥ ५ ॥ असणं पाणगं वावि, खाइमं साइमं

तथा । पुष्पेसु हुज्ज उम्मीसं, बीएसु हरिएसु वा ॥ ६ ॥ तं भवे भत्तपाणं तु, संजयाण अकप्पिअं । दित्तिअं पडिआइक्खे, न मे कप्पइ तारिसं ॥ ७ ॥ असणं पाणगं वावि, खाइमं साइमं
 तथा । उदगंमि हुज्ज निक्खित्तं, उत्तिगपणगेसु वा ॥ ८ ॥ तं भवे भत्तपाणं तु, संजयाण अकप्पिअं । दित्तिअं पडिआइक्खे, न मे कप्पइ तारिसं ॥ ९ ॥ असणं पाणगं वावि, खाइमं साइमं
 तथा । तेउ(अगणि)म्मि हुज्ज निक्खित्तं, तं च संघट्टिआ दए ॥ १२० ॥ तं भवे भत्तपाणं तु, संजयाण अकप्पिअं । दित्तिअं पडिआइक्खे, न मे कप्पइ तारिसं ॥ १ ॥ एवं उस्सकिया
 ओसकिया उज्जालिआ फज्जालिआ निवाविया । उस्सिअधिया निस्सिअधिया उववत्तिया ओयारिया दए ॥ २ ॥ तं भवे भत्तपाणं तु, संजयाणं अकप्पिअं । दित्तिअं पडिआइक्खे, न मे कप्पइ
 तारिसं ॥ ३ ॥ हुज्ज कट्टं सिलं वावि, इट्ठालं वावि एगया । ठविअं संकमट्टाए, तं च होज्ज चलाचलं ॥ ४ ॥ ण तेण भिक्खू गच्छिज्जा, दिट्ठो तत्थ असंजमो । गंभीरं झुसिरं चेष, सच्चि-
 दिअसमाहिए ॥ ५ ॥ निस्सेणिं फलगं पीढं, उस्सवित्ताणमारूहे । मंचं कीलं च पासायं, समणट्टा एव दावए ॥ ६ ॥ दुरूहमाणी पवडिज्जा, हत्थं पायं व लूसए । पुढवीजीवे विहिंसिज्जा,
 जे अ तन्निस्सिया जगे ॥ ७ ॥ एआरिसे महादोसे, जाणिऊण महेसिणो । तम्हा मालोहडं भिक्खं, न पडिगिण्हंति संजया ॥ ८ ॥ कंदं मूलं पलंबं वा, आमं छिन्नं व सन्निरं । तुंभागं
 सिंगवेरं च, आमगं परिवज्जए ॥ ९ ॥ तहेव सत्तुचुच्चाई, कोलचुन्नाई आवणे । सक्कुलिं फाणिअं पूअं, अन्नं वावि तहाविहं ॥ १३० ॥ विक्कायमाणं पसढं, रएणं परिफासिअं । दित्तिअं पडि-
 आइक्खे, न मे कप्पइ तारिसं ॥ १ ॥ बहुअट्टियं पुग्गलं, अणिमिसं वा बहुकंटयं । अच्छियं तित्ठियं बिल्लं, उच्छुखंडं व सिंभलिं ॥ २ ॥ अप्पे सिआ भोअणज्जाए, बहुउज्झियधम्मियं ।
 दित्तिअं पडिआइक्खे, न मे कप्पइ तारिसं ॥ ३ ॥ तहेवुच्चावयं पाणं, अदुवा वारघोअणं । संसेइमं चाउलोदगं, अहुणाधोअं विवज्जए ॥ ४ ॥ जं जाणेज्ज चिराधोयं, मईए दंसणेण वा ।
 पडिपुच्छिऊण सुच्चा वा, जं च निस्संकिअं भवे ॥ ५ ॥ अजीवं परिणयं नच्चा, पडिगाहिज्ज संजए । अह संकियं भविज्जा, आसाइत्ताण रोइए ॥ ६ ॥ थोवमासायणट्टाए, हत्थगंमि दला-
 हि मे । मा मे अच्चंभिलं पूअं, नालं तण्हं विणित्तए ॥ ७ ॥ तं च अच्चंभिलं पूयं, नालं तण्हं विणित्तए । दित्तिअं पडिआइक्खे, न मे कप्पइ तारिसं ॥ ८ ॥ तं च होज्ज अकामेण, विमणेणं
 पडिच्छिअं । तं अप्पणा न पिन्ने, नोवि अन्नस्स दावए ॥ ९ ॥ एगंतमवक्कमित्ता, अचित्तं पडिलेहिआ । जयं परिट्टविज्जा, परिट्टप्प पडिक्कमे ॥ १४० ॥ सिआ अ गोयरग्गओ, इच्छिज्जा
 परिभुत्तुअं(भुंजिउं) । कुट्टगं भित्तिमूलं वा, पडिलेहित्ताण फासुअं ॥ १ ॥ अणुच्चवित्तु मेहावी, पडिच्छन्नंमि संवुडे । हत्थगं संपमज्जित्ता, तत्थ भुंजिज्ज संजए ॥ २ ॥ तत्थ से भुंजमाणस्स,
 अट्टिअं कंटओ सिआ । तणकट्टसक्करं वावि, अन्नं वावि तहाविहं ॥ ३ ॥ तं उक्खिवित्तु न निक्खिवे, आसएण न छड्डए । हत्थेण तं गहेऊण, एगंतमवक्कमे ॥ ४ ॥ एगंतमवक्कमित्ता, अ-
 चित्तं पडिलेहिआ । जयं परिट्टविज्जा, परिट्टप्प पडिक्कमे ॥ ५ ॥ सिआ य भिक्खू इच्छिज्जा, सिज्जमागम्म भुत्तुअं । सपिंडपायमागम्म, उंडुअं पडिलेहिआ ॥ ६ ॥ विणएणं पविसित्ता,
 सगासे गुरुणो मुणी । इरियावहियमायाय, आगओ अ पडिक्कमे ॥ ७ ॥ आभोइत्ताण नीसेसं, अईआरं जहक्कमं । गमणागमणे चेष, भत्तपाणे व संजए ॥ ८ ॥ उज्जुपन्नो अणुच्चिग्गो, अन्न-
 किस्वत्तेण चेषसा । आलोए गुरुसगासे, जं जहा गहिअं भवे ॥ ९ ॥ न सम्ममालोइअं हुज्जा, पुंविं पच्छा व जं कडं । पुणो पडिक्कमे तस्स, वोसट्टो चित्तए इमं ॥ १५० ॥ अहो जिणेहिं
 असावज्जा, वित्ती साहूण देसिआ । मुक्खसाहणहेउस्स, साहुदेहस्स धारणा ॥ १ ॥ णमुक्कारेण पारित्ता, करित्ता जिणसंथवं । सज्झायं पट्टवित्ताणं, वीसमेज्ज खणं मुणी ॥ २ ॥ वीसमंतो
 इमं चित्ते, हियमट्टं लाभमस्सिओ । जइ मे अणुग्गहं कुज्जा, साहू हुज्जामि तारिओ ॥ ३ ॥ साहवो तो चिअत्तेणं, निमंतिज्ज जहक्कमं । जइ तत्थ केइ इच्छिज्जा, तेहिं सद्धिं तु भुंजए
 ॥ ४ ॥ अह कोइ न इच्छिज्जा, तओ भुंजिज्ज एकओ । आलोए भायणे साहू, जयं अप्परिसाडियं ॥ ५ ॥ तित्तगं व कडुअं व कसायं, अंबिलं व महुरं लवणं वा । एअ लद्धमन्नत्थपउत्तं,
 महुघयं व भुंजिज्ज संजए ॥ ६ ॥ अरसं विरसं वावि, सूइअं वा असूइअं । उल्लं वा जइवा सुक्कं, मंथुकुम्मासभोअणं ॥ ७ ॥ उप्पणं नाइहीलिज्जा, अप्पं वा बहुफासुअं । मुहालद्धं
 मुहाजीवी, भुंजिज्जा दोसवज्जिअं ॥ ८ ॥ दुल्लहा उ मुहादाई, मुहाजीवीवि दुल्लहा । मुहादाई मुहाजीवी, दोऽवि गच्छंति सुग्गइं ॥ १५९ ॥ ति बेमि, अ०५-उ०१ ॥ पडिग्गहं संत्तिहि-
 त्ताणं, लेवमायाए संजए । दुगंधं वा सुगंधं वा, सव्वं भुंजे न छड्डए ॥ १६० ॥ सेज्जा निसीहियाए, समावन्नो अ गोयरे । आयावयट्टा भुच्चाणं, जइ तेणं न संथरे ॥ १ ॥ तओ कारण-
 मुप्पण्णे, भत्तपाणं गवेसए । विहिणा पुव्वउत्तेणं, इमेणं उत्तरेण य ॥ २ ॥ कालेण निक्खमे भिक्खू, कालेण य पडिक्कमे । अकालं च विवज्जित्ता, काले कालं समायरे ॥ ३ ॥ अकाले
 चरसी भिक्खू !, कालं नो पडिलेहसि । अप्पाणं च किलामेसि, संनिवेसं च गरिहसि ॥ ४ ॥ सइ काले चरे भिक्खू, कुज्जा पुरिसकारियं । अलाभुत्ति न सोइज्जा, तवुत्ति अहिआसए ॥ ५ ॥
 तहेवुच्चावया पाणा, भत्तट्टाए समागया । तं उज्जुयं न गच्छिज्जा, जयमेव परक्कमे ॥ ६ ॥ गोयरग्गपविट्टो उ, न निसीइज्ज कत्थई । कहं च न पबंधिज्जा, चिट्ठित्ताण व संजए ॥ ७ ॥

अगलं फलिहं दारं, कवाडं वावि संजए । अवलंबिया न चिट्टिजा, गोयरग्गओ मुणी ॥ ८ ॥ समणं माहणं वावि, किविणं वा वणीमगं । उवसंकमंतं भत्तट्टा, पाणट्टाए व संजए ॥ ९ ॥ तमइक्कमित्तु न पविसे, न चिट्टे चक्खुगोअरे । एगंतमवक्कमित्ता, तत्थ चिट्टिज्ज संजए ॥ १७० ॥ वणीमगस्स वा तस्स, दायगस्सुभयस्स वा । अप्पत्तिर्यं सिया हुज्जा, लहुत्तं पवयणस्स वा ॥ १ ॥ पडिसेहिए व दिन्ने वा, तओ तम्मि नियत्तिए । उवसंकमिज्ज भत्तट्टा, पाणट्टाए व संजए ॥ २ ॥ उप्पलं पउमं वावि, कुमुअं वा मगदंतिअं । अन्नं वा पुप्फसच्चित्तं, तं च संलुं-
चिआ दए ॥ ३ ॥ तं भवे भत्तपाणं तु, संजयाण अकप्पिअं । दिंतिअं पडिआइक्खे, न मे कप्पइ तारिसं ॥ ४ ॥ उप्पलं पउमं वावि, कुमुअं वा मगदंतिअं । अन्नं वा पुप्फसच्चित्तं, तं च संमद्दिआ (संघट्टिया) दए ॥ ५ ॥ तं भवे भत्तपाणं तु, संजयाण अकप्पिअं । दिंतिअं पडिआइक्खे, न मे कप्पइ तारिसं ॥ ६ ॥ सालुअं वा विरालिअं, कुमुअं उप्पलनालिअं । मुणालिअं सासवनालिअं, इच्छुखंडं अनिबुडं ॥ ७ ॥ तरुणगं वा पवालं, रुक्खस्स तणगस्स वा । अन्नस्स वावि हरिअस्स, आमगं परिवज्जए ॥ ८ ॥ तरुणिअं वा छिवाडिं, आमिअं भज्जिअं सइं । दिंतिअं पडिआइक्खे, न मे कप्पइ तारिसं ॥ ९ ॥ तहा कोलमणुस्सिअं, वेलुअं कासवनालिअं । तिलपप्पडगं नीमं, आमगं परिवज्जए ॥ १८० ॥ तहेव चाउलं पिट्टं, विअडं वा तत्त-
निबुडं । तिलपिट्टपूइपिन्नागं, आमगं परिवज्जए ॥ १ ॥ कविट्टं माउलिं च, मूलगं मूलगत्तिअं । आमं असत्थपरिणयं, मणसावि न पत्थए ॥ २ ॥ तहेव फलमंथूणि, बीअमंथूणि जा-
णिआ । बिहेलगं पियालं च, आमगं परिवज्जए ॥ ३ ॥ समुआणं चरे भिक्खू, कुलमुच्चावयं सया । नीयं कुलमइक्कम्म, ऊसढं नाभिधारए ॥ ४ ॥ अदीणो वित्तिमेसिजा, न विसीइज्ज पंडिए । अमुच्छिओ भोअणंमि, मायण्णे एसणारए ॥ ५ ॥ बहुं परचरे अत्थि, विविहं खाइमसाइमं । न तत्थ पंडिओ कुप्पे, इच्छा दिज्ज परो न वा ॥ ६ ॥ सयणासणवत्थं वा, भत्तं पाणं व संजए । अदितस्स न कुप्पिजा, पच्चक्खेविय अ दीसओ ॥ ७ ॥ इत्थिअं पुरिसं वावि, डहरं वा महल्लगं । वंदमाणं न जाइज्जा, नो अणं फरुसं वए ॥ ८ ॥ जे न वंदे न से कुप्पे, वंदिओ न समुक्कसे । एवमन्नेसमाणस्स, सामणमणुचिट्टइ ॥ ९ ॥ सिआ एगइओ लद्धुं, लोभेण विणिगूहइ । मा मेयं दाइयं सन्तं, दट्टूणं सयमायए ॥ १९० ॥ अत्तट्टा गुरुओ लुद्धो, बहुं पावं पकुवइ । दुत्तोसओ य सो होइ, निव्वणं च न गच्छइ ॥ १ ॥ सिआ एगइओ लद्धुं, विविहं पाणभोअणं । भहगं भहगं भुच्चा, विवन्नं विरसमाहरे ॥ २ ॥ जाणंतु ता इमे समणा, आययट्ठी अयं मुणी । संतुट्ठो सेवए पंतं, लूहवित्ती सुतोसओ ॥ ३ ॥ पूअणट्टा जसोकामी, माणसम्माणकामए । बहुं पसवई पावं, मायासल्लं च कुवइ ॥ ४ ॥ सुरं वा मेरगं वावि, अन्नं वा मज्जगं रसं । ससक्खं न पिन्ने भिक्खू, जसं सारक्खमप्पणो ॥ ५ ॥ पियए एगओ तेणो, न मे कोइ विआणइ । तस्स पस्सह दोसाइं, निअडिं च सुणेह मे ॥ ६ ॥ वड्डई सुंडि(डि)आ तस्स, मायामोसं च भिक्खुणो । अयसो य अनिव्वणं(णिं), सययं च असाहुआ ॥ ७ ॥ निबुव्विग्गो जहा तेणो, अत्तकम्महिं दुम्मई । तारिसो मरणंतेवि, न आराहेइ संवरं ॥ ८ ॥ आय-
रिए नाराहेइ, समणे यावि तारिसे । गिहत्थावि णं गरिहंति, जेण जाणंति तारिसं ॥ ९ ॥ एवं तु अगुणप्पेही, गुणाणं च विवज्जओ । तारिसो मरणंतेवि, ण आराहेइ संवरं ॥ २०० ॥ तवं कुवइ मेहावी, पणीयं वज्जए रसं । मज्जप्पमायविरओ, तवस्सी अइउक्कसो ॥ १ ॥ तस्स पस्सह कल्लाणं, अणेगसाहुपूइयं । विउलं अत्थसंजुत्तं, कित्तइस्सं सुणेह मे ॥ २ ॥ एवं तु सगु-
णप्पेही, अगुणाणं च विवज्जए । तारिसो मरणंतेवि, आराहेइ संवरं ॥ ३ ॥ आयरिए आराहेइ, समणे यावि तारिसे । गिहत्थावि णं पूयंति, जेण जाणंति तारिसं ॥ ४ ॥ तवतेणे वयतेणे, रूवतेणे य जे नरे । आयारभावतेणे य, कुवई देवकिच्चिसं ॥ ५ ॥ लद्धूणवि देवत्तं, उववन्नो देवकिच्चिसे । तत्थावि से न याणाइ, किं मे किच्चा इमं फलं ? ॥ ६ ॥ तत्तोवि से चइत्ताणं, ल-
ब्धिही एलमूअयं । नरगं तिरिक्खजोणिं वा, बोही जत्थ सुदुल्लहा ॥ ७ ॥ एयं च दोसं दट्टूणं, नायपुत्तेण भासियं । अणुमायंपि मेहावी, मायामोसं विवज्जए ॥ ८ ॥ सिक्खिउण भिक्खेसणसोहिं, संजयाण बुद्धाण सगासे । तत्थ भिक्खु सुप्पणिहिइंदिए, तिब्वलज्जगुणवं विहरिज्जासि ॥ २०९ ॥ त्ति बेमि ॥ अ०५३०२, पिंडेसणानामज्झयणं ॥ नाणदंसणसंपन्नं, संजमे अ तवे रयं । गणिमागमसंपन्नं, उज्जाणम्मि समोसढं ॥ २१० ॥ रायाणो रायमच्चा य, माहणा अदुव खत्तिआ । पुच्छंति निहुअप्पाणो, कहां भे आयारगोयरो ? ॥ १ ॥ तेसिं सो निहुओ दंतो, सव्वभूअसुहावहो । सिक्खाए सुसमाउत्तो, आयक्खइ विअक्खणो ॥ २ ॥ हंदि धम्मत्थकामाणं, निग्गंथाणं सुणेह मे । आयारगोअरं भीमं, सयलं दुरहिट्टियं ॥ ३ ॥ नन्नत्थ एरिसं वुत्तं, जं लोए परमदुच्चरं । विउलट्टाणभाइस्स, न भूयं न भविस्सइ ॥ ४ ॥ सखुड्डगविअत्ताणं, वाहिआणं च जे गुणा । अखंडफुडिआ कायवा, तं सुणेह जहा तहा ॥ ५ ॥ दस अट्ट य ठाणाइं, जाइं बालोऽवरज्झइ । तत्थ अन्नयरे ठाणे, निग्गंथत्ताउ भस्सइ ॥ ६ ॥ तत्थिमं पढमं ठाणं, महावीरेण देसिअं । अहिंसा निउणा दिट्टा, सव्वभूएसु संजमो ॥ ७ ॥ जावंति लोए पाणा, तसा अदुव थावरा । ते जाणमजाणं वा, न हणे णोवि घायए ॥ ८ ॥ सब्बे जीवावि इच्छंति, जीविउं न मरिज्जिउं । तम्हा पाणवहं घोरं, निग्गंथा वज्जयंति णं ॥ ९ ॥ (३१२)

अप्पणट्टा परट्टा वा, कोहा वा जइवा भया । हिंसगं न मुसं बूआ, नोवि अन्नं वयावए ॥ २२० ॥ मुसावाओ उ लोगम्मि, सबसाहूहिं गरिहिओ । अविस्साओ अ भूआणं, तम्हा मोसं
 विवज्जए ॥ १ ॥ चित्तमंतमचित्तं वा, अप्पं वा जइवा बहं । दंतसोहणमित्तंपि, उग्गहंसि अजाइया ॥ २ ॥ तं अप्पणा न गिण्हंति, नोऽवि गिण्हावए परं । अन्नं वा गिण्हमाणंपि, नाणु-
 जाणंति संजया ॥ ३ ॥ अब्भचरिअं घोरं, पमायं दुरहिट्टिअं । नायरंति मुणी लोए, भेआययणवज्जिणो ॥ ४ ॥ मूलमेयमहम्मस्स, महादोससमुस्सयं । तम्हा मेहुणसंसग्गि, निग्गंथा
 वज्जयंति णं ॥ ५ ॥ विडमुब्भेइमं लोणं, तिहं सप्पि च फाणिअं । न ते संनिहिमिच्छंति, नायपुत्तवओरया ॥ ६ ॥ लोहस्सेस अणुप्फासो, मन्ने अन्नयरामवि । जे सिआ सन्निहीकामे,
 गिही पव्वइए न से ॥ ७ ॥ जंपि वत्थं व पायं वा, कंबलं पायपुंछणं । तंपि संजमलज्जट्टा, धारंति परिहरंति य ॥ ८ ॥ न सो परिग्गहो वुत्तो, नायपुत्तेण ताइणा । मुच्छा परिग्गहो वुत्तो,
 इअ वुत्तं महेसिणा ॥ ९ ॥ सव्वत्थुवहिणा बुद्धा, संरक्खणपरिग्गहे । अवि अप्पणोऽवि देहंमि, नायरंति ममाइयं ॥ २३० ॥ अहो निच्चं तवोकम्मं, सब्बबुद्धेहिं वण्णियं । जा य लज्जासमा
 वित्ती, एगभत्तं च भोअणं ॥ १ ॥ संतिमे सुहुमा पाणा, तसा अदुव थावरा । जाइं राओ अपासंतो, कहमेसणियं चरे ? ॥ २ ॥ उदउल्लं बीअसंसत्तं, पाणा निवडिया महिं । दिआ ताइं
 विवज्जिजा, राओ तत्थ कहं चरे ? ॥ ३ ॥ एयं च दोसं दट्ठूणं, नायपुत्तेण भासियं । सब्बाहारं न भुंजंति, निग्गंथा राइभोअणं ॥ ४ ॥ पुढविकायं न हिंसंति, मणसा वयस कायसा । ति-
 विहेण करणजोएणं, संजया सुसमाहिआ ॥ ५ ॥ पुढवीकायं विहिंसंतो, हिंसई उ तयस्सिए । तसे य विविहे पाणे, चक्खुसे य अचक्खुसे ॥ ६ ॥ तम्हा एयं विआणित्ता, दोसं दुग्गइवड्डणं ।
 पुढवीकायसमारंभं, जावजीवाइ वज्जए ॥ ७ ॥ आउकायं न सुसमाहिआ ॥ ८ ॥ आउकायं विहिंसंतो अचक्खुसे ॥ ९ ॥ तम्हा एयं आउकायसमारंभं, जावजीवाइ वज्जए ॥ २४० ॥
 जायतेयं न इच्छंति, पावगं जलइत्तए । तिक्खमच्चयरं सत्थं, सब्बओऽवि दुरासयं ॥ १ ॥ पाईणं पडिणं वावि, उड्डं अणुदिसामवि । अहे दाहिणओ वावि, दहे उत्तरओऽविय ॥ २ ॥
 भूआणमेसमाघाओ, हव्ववाहो न संसओ । तं पईवपयावट्टा, संजया किंचि नारभे ॥ ३ ॥ तम्हा एयं तेउकायसमारंभं, जावजीवाइ वज्जए ॥ ४ ॥ अणिलस्स समारंभं, बुद्धा मन्नंति ता-
 रिसं । सावज्जबहुलं चयं, नेयं ताईहिं सेवियं ॥ ५ ॥ तालियंटेण पत्तेण, साहा विहुअणेण वा । न ते वीइउमिच्छंति, वेयावेऊण वा परं ॥ ६ ॥ जंपि वत्थं व पायं वा, कंबलं पायपुंछणं ।
 न ते वायमुईरंति, जयं परिहरंति य ॥ ७ ॥ तम्हा एयं वाउकायसमारंभं, जावजीवाइ वज्जए ॥ ८ ॥ वणस्सइं न हिंसंति सुसमाहिया ॥ ९ ॥ वणस्सइं विहिंसंतो अचक्खुसे ॥ २५० ॥
 तम्हा एयं वणस्सइसमारंभं, जावजीवाइ वज्जए ॥ १ ॥ तसकायं न हिंसंति सुसमाहिया ॥ २ ॥ तसकायं विहिंसंतो अचक्खुसे ॥ ३ ॥ तम्हा एयं तसकायसमारंभं, जावजी-
 वाइ वज्जए ॥ ४ ॥ जाइं चत्तारि भुज्जाइं, इसिणाऽऽहारमाइणि । ताइं तु विवज्जंतो (ज्जेत्ता), संजमं अणुपालए ॥ ५ ॥ पिंडं सिज्जं च वत्थं च, चउत्थं पायमेव य । अकप्पियं न इच्छिज्जा,
 पडिगाहिज्ज कप्पिअं ॥ ६ ॥ जे निआगं ममायंति, कीअमुद्देसिआऽऽहडं । वहं ते समणुजाणंति, इअ वुत्तं महेसिणा ॥ ७ ॥ तम्हा असणपाणाइं, कीअमुद्देसिआहडं । वज्जयंति ठिअ-
 प्पाणो, निग्गंथा धम्मजीविणो ॥ ८ ॥ कंसेसु कंसपाएसु, कुंडमोएसु वा पुणो । भुंजंतो असणपाणाइं, आयारा परिभस्सइ ॥ ९ ॥ सीओदगसमारंभे, मत्तधोअणल्लइडणे । जाइं छन्नंति
 भूयाइं, दिट्ठो तत्थ असंजमो ॥ २६० ॥ पच्छाकम्मं पुरेकम्मं, सिया तत्थ न कप्पइ । एयमट्ठं न भुंजंति, निग्गंथा गिहिभायणे ॥ १ ॥ आसंदीपलिअंकेसु, मंचमासा (ला) लएसु वा । अणाय-
 रिअमज्जाणं, आसइत्तु सइत्तु वा ॥ २ ॥ नासंदीपलिअंकेसु, न निसिज्जा न पीढए । निग्गंथाऽपडिलेहाए, बुद्धवुत्तमहिट्टगा ॥ ३ ॥ गंभीरविजया एए, पाणा दुप्पडिलेहाए । आसंदी पलि-
 अंको य, एयमट्ठं विवज्जिया ॥ ४ ॥ गोअरग्गपविट्टस्स, निसिज्जा जस्स कप्पइ । इमेरिसमणायारं, आवज्जइ अबोहियं ॥ ५ ॥ विवत्ती बंभचेरस्स, पाणाणं च वहे वहो । वणीमगपडिग्घाओ,
 पडिकोहो अगारिणं ॥ ६ ॥ अगुत्ती बंभचेरस्स, इत्थीओ वावि संकणं । कुसीलवड्डणं ठाणं, दूरओ परिक्खए ॥ ७ ॥ तिण्हमन्नयरगस्स, निसिज्जा जस्स कप्पई । जराए अभिभूअस्स,
 वाहिअस्स तवस्सिणो ॥ ८ ॥ वाहिओ वा अरोगी वा, सिणाणं जो उ पत्थए । वुक्कंतो होइ आयारो, जढो हवइ संजमो ॥ ९ ॥ संतिमे सुहुमा पाणा, घसासु भित्तुगासु य । जे य भिक्खू
 सिणायंतो, विअडेणुप्पीलावए ॥ २७० ॥ तम्हा ते न सिणायंति, सीएण उसिणेण वा । जावजीवं वयं घोरं, असिणाणमहिट्टगा ॥ १ ॥ सिणाणं अदुवा कक्कं, लुद्धं पउमगाणि य । गाय-
 स्सुवट्टणट्टाए, नायरंति कयाइवि ॥ २ ॥ नगिणस्स वावि मुंडस्स, दीहरोमनहंसिणो । मेहुणा उवसंतस्स, किं विभूसाइ कारिअं ? ॥ ३ ॥ विभूसावत्तिअं भिक्खू, कम्मं बंधइ चिक्कणं ।
 संसारसायरे घोरे, जेणं पडइ दुरुत्तरे ॥ ४ ॥ विभूसावत्तिअं चेअं, बुद्धा मन्नंति तारिसं । सावज्जबहुलं चयं, नेयं ताईहिं सेविअं ॥ ५ ॥ खवंति अप्पाणममोहदंसिणो, तवे रया संजमअज्जवे
 गुणे । धुणंति पावाइं पुरेकडाइं, नवाइं पावाइं न ते करंति ॥ ६ ॥ सओवसंता अममा अकिंचणा, सविज्जविजाणुगया जसंसिणो । उउप्पसन्ने विमलेव चंदिमा, सिद्धिं विमाणाइं उवेति

ताइणो ॥२७७॥ ति वेमि (महल्लियायारकहा) धम्मत्थकामज्झयणं ६ ॥ चउण्हं खलु भासाणं, परिसंखाय पन्नवं । दुण्हं तु विणयं सिक्खे, दो न भासिज्ज सबसो ॥८॥ जा य सच्चा अवत्तद्वा, सच्चामोसा य जा मुसा । जा य बुद्धेहिं नाइन्ना, न तं भासिज्ज पन्नवं ॥९॥ असच्चमोसं सच्चं च, अणवज्जमककसं । समुप्पेहमसंदिदं, गिरं भासिज्ज पन्नवं ॥२८०॥ एअं च अट्टमन्नं वा, जं तु नामेइ सासयं । संभासं सच्चमोसंपि, तंपि धीरो विवज्जए ॥ १ ॥ वितहंपि तहामुत्ति, जं गिरं भासए नरो । तम्हा सो पुट्टो पावेणं, किं धुणं जो मुसं वए ? ॥ २ ॥ तम्हा गच्छामो वक्खामो, अमुगं वा णे भविस्सइ । अहं वा णं करिस्सामि, एसो वा णं करिस्सइ ॥ ३ ॥ एवमाइ उ जा भासा, एस्सकालंमि संकिआ । संपयाइअमट्टे वा, तंपि धीरो विवज्जए ॥ ४ ॥ अइअंमि य कालंमि, पच्चुप्पणमणागए । जमट्टं तु न जाणिज्जा, एवमेअंति नो वए ॥ ५ ॥ अइअंमि य० । जत्थ संका भवे तं तु, एवमेअंति नो वए ॥ ६ ॥ अइयंमि य० । निस्संकिअं भवे जं तु, एवमेअं तु निदिसे ॥ ७ ॥ तहेव फरुसा भासा, गुरुभूओवघाइणी । सच्चावि सा न वत्तद्वा, जओ पावस्स आगमो ॥ ८ ॥ तहेव काणं काणत्ति, पंडगं पंडगत्ति वा । वाहियं वावि रोगित्ति, तेणं चोरत्ति नो वए ॥ ९ ॥ एएणऽन्नेण अट्टेणं, परो जेणुवहम्मइ । आयारभावदोसन्नू, न तं भासिज्ज पन्नवं ॥ २९० ॥ तहेव होले गोलित्ति, साणे वा वसुलित्ति य । दमए दुहए वावि, नेवं भासिज्ज पन्नवं ॥ १ ॥ अज्जिए पज्जिए वावि, अम्मो माउसिअत्ति य । पिउस्सिए भायणिज्जत्ति, धूए णत्तुणिअत्तिय ॥ २ ॥ हले हलित्ति अन्नित्ति, भट्टे सामिणि गोमिणि । होले गोले वसुलित्ति, इत्थिअं नेवमालवे ॥ ३ ॥ नामधिज्जेण णं बूया, इत्थिगुत्तेण वा पुणो । जहारिहमभिगिज्झ, आलविज्ज लविज्ज वा ॥ ४ ॥ अज्जिए पज्जिए वावि, बप्पो चुल्लपिउत्तिय । माउलो भाइणिज्जत्ति, पुत्ते णत्तुणिअत्तिय ॥ ५ ॥ हे भो हलित्ति अन्नित्ति, भट्टे सामिय गोमिय । होल गोल वसुलित्ति, पुरिसं नेवमालवे ॥ ६ ॥ नामधिज्जेण णं बूया, पुरिसगुत्तेण वा पुणो । जहारिहमभिगिज्झ, आलविज्ज लविज्ज वा ॥ ७ ॥ पंचिंदिआण पाणाणं, एस इत्थी अयं पुमं । जाव णं न विजाणिज्जा, ताव जाइत्ति आलवे ॥ ८ ॥ तहेव माणुसं पसुं, पक्खिं वावि सरीसवं । थूलं पमेइले वज्जे, पायमित्तिय नो वए ॥ ९ ॥ परिवूढत्ति णं बूया, बूया उवचिअत्तिय । संजाए पीणिए वावि, महाकायत्ति आलवे ॥ ३०० ॥ तहेव गाओ दुज्झाओ, दम्मा गोरहगत्ति य । वाहिमा रहजोगित्ति, नेवं भासिज्ज पन्नवं ॥ १ ॥ जुवं गवित्ति णं बूया, धेणुं रसदयत्ति य । रहस्से महल्लए वावि, वए संवहणित्तिय ॥ २ ॥ तहेव गंतुमुज्जाणं, पच्चयाणि वणाणि य । रुक्खा महल्ल पेहाए, नेवं भासिज्ज पन्नवं ॥ ३ ॥ अलं पासायखंभाणं, तोरणाण गिहाण य । फलिहऽग्गलनावाणं, अलं उदगदोणिणं ॥ ४ ॥ पीढए चंगबेरे य, नंगले मइयं सिआ । जंतलट्टी व नाभी वा, गंडिआ व अलं सिआ ॥ ५ ॥ आसणं सयणं जाणं, हुज्जा वा किंचुवस्सए । भूओवघाइणिं भासं, नेवं भासिज्ज पन्नवं ॥ ६ ॥ तहेव गंतुमुज्जाणं, पच्चयाणि वणाणि य । रुक्खा महल्ल पेहाए, एवं भासिज्ज पन्नवं ॥ ७ ॥ जाइमंता इमे रुक्खा, दीहवट्टा महालया । पयायसाला विडिमा, वए दरिसणित्तिय ॥ ८ ॥ तहा फलाइं पक्काइं, पायखज्जाइं नो वए । वेलोइयाइं टालाइं, वेहिमाइन्ति नो वए ॥ ९ ॥ असंथडा इमे अंबा, बहुनिव्वडिमाफला । वइज्ज बहुसंभूआ, भूअरूवत्ति वा पुणो ॥ ३१० ॥ तहेवोसहिओ पक्काओ, नीसियाओ छवीइ य । लाइमा भज्जिमाउत्ति, पिहुखज्जत्ति नो वए ॥ १ ॥ रूढा बहुसंभूआ, थिरा ओसढावि य । गव्भिआओ पसूआओ, ससाराउत्ति आलवे ॥ २ ॥ तहेव संखडिं नच्चा, किच्चं कज्जंति नो वए । तेणगं वावि वज्जित्ति, सुत्तित्थित्तिय आवगा ॥ ३ ॥ संखडिं संखडिं बूआ, पणिअट्टत्ति तेणगं । बहुसमाणि तित्थाणि, आवगाणं विआगरे ॥ ४ ॥ तहा नईओ पुण्णाओ, कायत्तिज्जत्ति नो वए । नावाहिं तारिमाउत्ति, पाणिपिज्जत्ति नो वए ॥ ५ ॥ बहुवाहडा अगाहा, बहुसलिलुप्पिलोदगा । बहुवित्थडोदगा आवि, एवं भासिज्ज पन्नवं ॥ ६ ॥ तहेव सावज्जं जोगं, परस्सट्टा य निट्टियं । कीरमाणंति वा नच्चा, सावज्जं न लवे मुणी ॥ ७ ॥ सुकडित्ति सुपक्कित्ति, सुच्छिन्ने सुहडे मडे । सुनिट्टिए सुलट्टित्ति, सावज्जं वज्जए मुणी ॥ ८ ॥ पयत्तपक्कत्ति व पक्कमालवे, पयत्तच्छिन्नत्ति व छिन्नमालवे । पयत्तलट्टित्ति व कम्महेउयं, पहारगाढत्ति व गाढमालवे ॥ ९ ॥ सबुक्कसं परग्घं वा, अउलं नत्थि एरिसं । अविक्किअमवत्तन्नं, अचिअत्तं चेव नो वए ॥ ३२० ॥ सब्रमेयं वइस्सामि, सब्रमेयंति नो वए । अणुवीइ सब्रं सब्रत्थ, एवं भासिज्ज पन्नवं ॥ १ ॥ सुक्कीयं वा सुविक्कीयं, अकिज्जं किज्जमेव वा । इमं गिण्ह इमं मुंच, पणीयं नो विआगरे ॥ २ ॥ अप्पग्घे वा महग्घे वा, कए वा विक्कएवि वा । पणिअट्टे समुप्पन्ने, अणवज्जं विआगरे ॥ ३ ॥ तहेवासंजयं धीरो, आस एहि करेहि वा । सय चिट्ट वयाहित्ति, नेवं भासिज्ज पन्नवं ॥ ४ ॥ बहवे इमे असाहू, लोए वुचंति साहुणो । न लवे असाहु साहुत्ति, साहुं साहुंति आलवे ॥ ५ ॥ नाणदंसणसपन्नं, संजमे य तवे रयं । एवंगुणसमाउत्तं, संजयं साहुमालवे ॥ ६ ॥ देवाणं मणुआणं च, तिरिआणं च वुग्गहे । अमुगाणं जओ होउ, मा वा होउत्ति नो वए ॥ ७ ॥ वाओ वुट्टं च सीउण्हं, खेमं धायं सिवंति वा । कया णु हुज्ज एआणि?, मा वा होउत्ति नो वए ॥ ८ ॥ तहेव मेहं व नहं व माणवं, न देवदेवत्ति गिरं वइज्जा । संमुच्छिए उन्नए वा पओए ।

वइज्ज वा बुट्ट बलाहयत्ति ॥ ९ ॥ अंतलिक्खत्ति णं बूआ, गुज्झाणुचरिअन्तिय। रिद्धिमंतं नरं दिस्स, रिद्धिमंतंति आलवे ॥ ३३० ॥ तहेव सावज्जऽणुमोअणी गिरा. ओहारिणी जा य
 परोवघाइणी। स कोहलोहा भयहास माणवो, न हासमाणोऽवि गिरं वइज्जा ॥ १ ॥ सवक्कसुद्धिं समुपेहिया मुणी. गिरं च दुट्टं परिवज्जे सया। मियं अदुट्टं अणुवीड भासए. सयाणं
 मज्झे लहई पसंसणं ॥ २ ॥ भासाइ दोसे य गुणे य जाणिया. तीसे य दुट्टे परिवज्जे सया। छसु संजए सामणिए सया जए. वइज्ज बुद्धे हियमाणुलोमियं ॥ ३ ॥ परिक्खभासी सुसमा-
 हिइंदिए, चउक्कसायावगए अणिस्सिए। से निद्धणे धुन्नमलं पुरेकडं, आराहए लोगमिणं तहा परं ॥ ३४४ ॥ ति बेमि. सवक्कसुद्धीअज्झयणं ७ ॥ आयारप्पणिहिं लद्धुं. जहा कायव
 भिक्खुणा। तं भे उदाहरिस्सामि, आणुपुट्टिं सुणेह मे ॥ ५ ॥ पुढविदगअगणिवाऊतणरुक्खसबीयगा। तसा य पाणा जीवत्ति. इइ वुत्तं महेसिणा ॥ ६ ॥ तेसिं अच्छणजोएण. निच्चं
 होअव्वयं सिआ। मणसा कायवक्केणं, एवं हवइ संजए ॥ ७ ॥ पुढविं भित्तिं सिलं लेलुं, नेव भिन्दे न संलिहे। तिविहेण करणजोएणं. संजए सुसमाहिए ॥ ८ ॥ मुद्धपुट्टवीए न निसीए,
 ससरक्खंमि य आसणे। पमजित्तुं निसीइज्जा, जाइत्ता जस्स उग्गहं ॥ ९ ॥ सीओदगं न सेविज्जा, सिलावुट्टं हिमाणि य। उसिणोदगं तत्तफासुअं. पडिगाहिज्ज संजए ॥ ३४० ॥ उदउल्लं
 अप्पणो कायं, नेव पुंले न संलिहे। समुप्पेह तहाभूअं, नो णं संघट्टए मुणी ॥ १ ॥ इंगालं अगणिं अच्चिं, अलायं वा सजोइअं। न उंजिज्जा न घट्टिज्जा. नो णं निवावए मुणी ॥ २ ॥
 तालिअंटेण पत्तेण, साहाए विहुणेण वा। न वीइज्जऽप्पणो कायं, बाहिरं वावि पुग्गलं ॥ ३ ॥ तणरुक्खं न छिंदिज्जा, फलं मूलं च कस्सई। आमगं विविहं बीअं, मणसावि ण पत्थए
 ॥ ४ ॥ गहणेसु न चिट्टिज्जा, बीएसु हरिएसु वा। उदगंमि तहा निच्चं, उत्तिंगपणगेसु वा ॥ ५ ॥ तसे पाणे न हिंसिज्जा, वाया अदुव कम्मणा। उवरओ सबभूएसु. पासेज्ज विविहं जगं
 ॥ ६ ॥ अट्ट सुहुमाइं पेहाए, जाइं जाणित्तु संजए। दयाहिगारी भूएसु. आस चिट्ट सएहि वा ॥ ७ ॥ कयराइं अट्ट सुहुमाइं?, जाइं पुच्छिज्ज संजए। इमाइं ताइं मेहावी. आइक्खिज्ज
 विअक्खणो ॥ ८ ॥ सिणेहं पुप्फसुहुमं च, पाणुत्तिगं तहेव य। पणगं बीअहरियं, अंडसुहुमं च अट्टमं ॥ ९ ॥ एवमेआणि जाणिज्जा. सबभावेण संजए। अप्पमत्तो जए निच्चं, सत्तिंदिअ-
 समाहिए ॥ ३५० ॥ धुवं च पडिलेहिज्जा, जोगसा पायकंबलं। सिज्जमुच्चारभूमिं च, संथारं अदुवाऽऽसणं ॥ १ ॥ उच्चारं पासवणं, खेलं सिंघाणजल्लियं। फासुयं पडिलेहित्ता, परिट्टाविज्ज
 संजए ॥ २ ॥ पविसित्तु परागारं, पाणट्टा भोअणस्स वा। जयं चिट्ट मियं भासे, न य रूवेसु मणं करे ॥ ३ ॥ बहुं सुणेइ कन्नेहिं, बहुं अच्छीहिं पिच्छइ। न य दिट्टं सुयं सब्बं, भिक्खू
 अक्खाउमरिहइ ॥ ४ ॥ सुयं वा जइवा दिट्टं, न लविज्जोवघाइयं। न य केणइ उवाएणं, गिहिजोगं समायरे ॥ ५ ॥ निट्टाणं रसनिज्जूढं, भद्दगं पावगंति वा। पुट्टो वावि अपुट्टो वा, ला-
 भालाभं न निदिसे ॥ ६ ॥ न य भोअणंमि गिद्धो, चरे उल्लं अयंपिरो। अफासुयं न भुंजिज्जा, कीअमुद्देसिआहडं ॥ ७ ॥ संनिहिं च न कुब्बिज्जा, अणुमायंपि संजए। मुहाजीवी असं-
 बद्धे, हविज्ज जगनिस्सिए ॥ ८ ॥ लूहविस्ती सुसंतुट्टे, अप्पिच्छे सुभरे सिआ। आसुरत्तं न गच्छिज्जा, सुच्चाणं जिणसासणं ॥ ९ ॥ कन्नमुक्खेहिं सद्देहिं, पेम्मं नाभिनिवेसए। दारुणं
 कक्कसं फासं, काएण अहिआसए ॥ ३६० ॥ खुहं पिवासं दुस्सिज्जं, सीउण्हं अरइं भयं। अहिआसे अब्बहिओ, देहदुक्खं महाफलं ॥ १ ॥ अत्थं गयंमि आइच्चे, पुरत्था य अणुग्गए।
 आहारमइयं सब्बं, मणसावि ण पत्थए ॥ २ ॥ अत्तिंणे अचवले, अप्पभासी मिआसणे। हविज्ज उअरे दंते, थोवं लद्धुं न खिसए ॥ ३ ॥ न बाहिरं परिभवे, अत्ताणं न समुक्कसे। मुअत्ताभे
 न मज्जिज्जा, जच्चो तवस्सिबुद्धिए ॥ ४ ॥ से जाणमजाणं वा, कट्टु आहम्मियं पयं। संवरे खिप्पमप्पाणं, बीयं तं न समायरे ॥ ५ ॥ अणायारं परक्कम्म, नेव गूहे न निणहवे। सुई सया
 वियडभावे, असंसत्ते जिइंदिए ॥ ६ ॥ अमोहं वयणं कुज्जा, आयरियस्स महप्पणो। तं परिगिज्ज वायाए, कम्मणा उववायए ॥ ७ ॥ अधुवं जीवियं नच्चा, सिद्धिमग्गं वियाणिया।
 विणियट्टिज्ज भोगेसु, आउं परिमिअमप्पणो ॥ ८ ॥ बलं थामं च पेहाए, सद्धामारुग्गमप्पणो। खित्तं कालं च विन्नाय, तहऽप्पाणं निजुंजए ॥ ९ ॥ जरा जाव न पीडेइ, वाही जाव न
 वड्डई। जाविंदिया न हायंति, ताव धम्मं समायरे ॥ ३७० ॥ कोहं माणं च मायं च, लोभं च पाववड्डणं। वमे चत्तारि दोसे उ, इच्छंतो हिअमप्पणो ॥ १ ॥ कोहो पीइं पणासेइ,
 माणो विणयनासणो। माया मित्ताणि नासेइ, लोभो सब्बविणासणो ॥ २ ॥ उवसमेण हणे कोहं, माणं महवया जिणे। मायं चऽज्जवभावेणं, लोभं संतोसओ जिणे ॥ ३ ॥ कोहो य
 माणो य अणिग्गहीया, माया य लोभो य पवड्डमाणा। चत्तारि एए कसिणा कसाया, सिंचंति मूलाइं पुण्णभवस्स ॥ ४ ॥ रायाणिएसु विणयं पउंजे, धुवसीलयं सययं न हावइज्जा।
 कुम्मुव्व अल्लीणपलीणगुत्तो, परक्कमिज्जा तवसंजमंमि ॥ ५ ॥ निहं च न बहु मन्निज्जा, सप्पहासं विवज्जे। मिहो कहाहिं न रमे, सज्झायंमि रओ सया ॥ ६ ॥ जोगं च समणधम्मंमि,
 जुंजे अनलसो धुवं। जुत्तो य समणधम्मंमि, अट्टं लहइ अणुत्तरं ॥ ७ ॥ इहलोगपारत्तहिअं, जेणं गच्छइ सुग्गइं। बहुस्सुअं पज्जुवासिज्जा, पुच्छिज्जऽत्थविणिच्छयं ॥ ८ ॥ हत्थं पायं

च कायं च, पणिहाय जिइंदिए । अट्टीणगुत्तो निसिए, सगासे गुरुणो मुणी ॥ ९ ॥ न पक्खओ न पुरओ, नेव किच्चाण पिट्टओ । न य ऊरुं समासिज्जा, चिट्ठिज्जा गुरुणंतिए ॥ ३८० ॥
 अपुच्छिओ न भासिज्जा, भासमाणस्स अंतरा । पिट्ठिमंसं न खाइज्जा, मायामोसं विक्कए ॥ १ ॥ अप्पत्तिअं जेण सिआ, आसु कुप्पिज्ज वा परो । सव्वसो तं न भासिज्जा, भासं अहि-
 अगामिणिं ॥ २ ॥ दिट्ठं मियं असंदिद्धं, पडिपुत्तं विअंजिअं । अयंपिरमणुत्तिगं, भासं निसिर अत्तवं ॥ ३ ॥ आयारपन्नत्तिधरं, दिट्ठिवायमहिज्जगं । वायविकखलिअं नच्चा, न तं उवहसे
 मुणी ॥ ४ ॥ नक्खत्तं सुमिणं जोगं, निमित्तं मंतभेसजं । गिहिणो तं न आइक्खे, भूआहिगरणं पयं ॥ ५ ॥ अन्नदुं पगडं लय(ले)णं, भइज्ज सयणासणं । उच्चारभूमिसंपन्नं, इत्थीपमु-
 विवज्जिअं ॥ ६ ॥ विवित्ता य भवे सिज्जा, नारीणं न लवे कहां । गिहिसंथवं न कुज्जा, कुज्जा साहूहिं संथवं ॥ ७ ॥ जहा कुक्कुटपोअस्स, निच्चं कुललओ भयं । एवं ग्मु वंभयारिस्स,
 इत्थीविग्गहओ भयं ॥ ८ ॥ चित्तभित्तिं न निज्झाए, नारिं वा सुअलंकिअं । भक्खरंवित्र दट्ठूणं, दिट्ठिं पडिसमाहरे ॥ ९ ॥ हत्थपायपलिच्छिन्नं, कण्णनासविगप्पिअं । अवि वाससयं
 नारिं, वंभयारी विक्कए ॥ ३९० ॥ विभूसा इत्थिसंसग्गी, पणीअं रसभोअणं । नरस्सत्तगवेसिस्स, विसं तालउडं जहा ॥ १ ॥ अंगपच्चंगसंठाणं, चारुद्विअपेहिअं । इत्थीणं तं न नि-
 ज्झाए, कामरागविवड्ढणं ॥ २ ॥ विसएसु मणुत्तेसु, पेमं नाभिनिवेसए । अणिच्चं तेसिं विन्नाय, परिणामं पुग्गत्ताण उ ॥ ३ ॥ पोग्गत्ताणं परीणामं, तेसिं नच्चा जहा तथा । विणीअतण्हो
 विहरे, सीईभूएण अप्पणा ॥ ४ ॥ जाइ सद्दाइ निक्खंतो, परिआयट्टाणमुत्तमं । तमेव अणुपालिज्जा, गुणे आयरियसंमए ॥ ५ ॥ तवं चिमं संजमजोगयं च, सज्झायजोगं च सया अहि-
 ट्टए । सुरे व सेणाइ समत्तमाउहे, अलमप्पणो होइ अलं परेसिं ॥ ६ ॥ सज्झायसज्झाणरयस्स ताइणो, अपावभावस्स तवे रयस्स । विसुज्झई जंसि मलं पुरेकडं, समीरियं रूपमलं व
 जोइणा ॥ ७ ॥ से तारिसे दुक्खसहे जिइंदिए, सुएण जुत्ते अममे अकिंचणे । विरायई कम्मघणंमि अवगए, कसिणच्चपुडावगमे व चंदिम ॥ ८ ॥ ति वेमि, आयारपणिहीअज्झयणं
 ८ ॥ थंभा व कोहा व मयप्पमाया, गुरुस्सगासे विणयं न सिक्खे । सो चेव उ तस्स अभूइभावो, फलं व कीयस्स वहाय होइ ॥ ९ ॥ जे आवि मंदित्ति गुरुं विइत्ता, डहरे इमे अप्पमु-
 अत्ति नच्चा । हीलंति मिच्छं पडिवज्जमाणा, करंति आसायण ते गुरुणं ॥ ४०० ॥ पगईइ मंदावि भवंति एगे, डहराडविय जे सुयबुद्धोववेया । आयारमंता गुणसुट्टिअप्पा, जे हीलिया
 सिहिरिव भास कुज्जा ॥ १ ॥ जे आवि नागं डहरंति नच्चा, आसायए से अहिआय होइ । एवायरियंपि हु हीलयंतो, नियच्छइ जाइपहं खु मंदो ॥ २ ॥ आसीविसो वावि परं सुरुट्टो, किं
 जीवनासाउ परं नु कुज्जा ? । आयरियपाया पुण अप्पसन्ना, अबोहिआसायण नत्थि मुक्खो ॥ ३ ॥ जो पावगं जलिअमवक्कमिज्जा, आसीविसं वावि हु कोवइज्जा । जो वा विसं स्वायड
 जीविअट्टी, एसोवमाऽऽसायणया गुरुणं ॥ ४ ॥ सिया हु से पावए नो डहिज्जा, आसीविसो वा कुविओ न भक्खे । सिया विसं हालहलं न मारे, न आवि मुक्खो गुरुहीलणाए ॥ ५ ॥
 जो पव्रयं सिरसा भित्तुमिच्छे, सुत्तं व सीहं पडिबोहइज्जा । जो वा दए सत्तिअग्गे पहारं, एसोवमाऽऽसायणया गुरुणं ॥ ६ ॥ सिया हु सीसेण गिरिंपि भिंदे, सिया हु सीहो कुविओ न
 भक्खे । सिया न भिंदिज्ज व सत्तिअग्गं, न आवि मुक्खो गुरुहीलणाए ॥ ७ ॥ आयरिअपाया पुण अप्पसन्ना, अबोहिआसायण नत्थि मुक्खो । तम्हा अणावाहसुहाभिकंखी, गुरुप्पसा-
 याभिमुहो रमिज्जा ॥ ८ ॥ जहाऽऽहिअग्गी जलणं नमंसे, नाणाहुईमंतपयाभिसित्तं । एवायरिअं उवचिट्ठइज्जा, अणंतनाणोवगओऽवि संतो ॥ ९ ॥ जस्संतिए धम्मपयाइं सिक्खे, तस्सं-
 तिए वेणइयं पउंजे । सक्कारए सिरसा पंजलीओ, कायग्गिरा भो मणसा य निच्चं ॥ ४१० ॥ लज्जा दया संजम वंभचेरं, कल्लाणभागिस्स विसोहिटाणं । जे मे गुरु सययमणुसासयंति, तेऽहं
 गुरु सययं पूअयामि ॥ १ ॥ जहा निसंते तवणच्चिमाली, पभासई केवलभारहं तु । एवायरिओ सुअसीलबुद्धिए, विरायई सुरमज्झे व इंदो ॥ २ ॥ जहा ससी कोमुइजोगजुत्तो, नक्ख-
 त्ततारागणपरिवुट्टप्पा । खे सोहइ विमले अब्भमुक्के, एवं गणी सोहइ भिक्खुमज्झे ॥ ३ ॥ महागरा आयरिओ महेसी, समाहिजोगे सुअसीलबुद्धिए । संपाविउकामे अणुत्तराइं, आरा-
 हए तोसइ धम्मकामी ॥ ४ ॥ सुच्चाण मेहावि सुभासिआइं, सुस्सूसए आयरिअऽप्पमत्तो । आराहइत्ताण गुणे अणेगे, से पावई सिद्धिमणुत्तरं ॥ ४१५ ॥ ति वेमि, अ० ९ उ० १ ॥ मूलाउ
 खंधप्पभवो दुमस्स, खंधाउ पच्छा समुविति साहा । साहप्पसाहा विरुहंति पत्ता, तओ सि पुष्फं च फलं रसो य ॥ ६ ॥ एवं धम्मस्स विणओ, मूलं परमो से मुक्खो । जेण कित्ति सुयं
 सिग्घं, नीसेसं चाभिगच्छइ ॥ ७ ॥ जे य चंडे मिए थद्धे, दुब्राई नियडी सढे । बुज्झइ से अविणीअप्पा, कट्टं सोअगयं जहा ॥ ८ ॥ विणयंपि जो उवाएणं, चोइओ कुप्पई नरो । दिव्वं
 सो सिरिमिज्जंति, दंडेण पडिसेहए ॥ ९ ॥ तहेव अविणीअप्पा, उववज्झा हया गया । दीसंति दुहमेहंता, आभिओगमुवट्टिया ॥ ४२० ॥ तहेव सुविणीअप्पा, उववज्झा हया गया । दीसंति
 सुहमेहंता, इड्डिं पत्ता महायसा ॥ १ ॥ तहेव अविणीअप्पा, लोगंमि नरनारिओ । दीसंति दुहमेहंता, छाता विगलितेंदिआ ॥ २ ॥ दंडसत्थपरिज्जुन्ना, असब्भवयणेहि य । (३१३)

कलुणा विवन्नच्छंदा, खुप्पिवासाइपरिगया ॥ ३ ॥ तहेव सुविणीअप्पा, लोगंसि नरनारिओ। दीसंति सुहमेहंता, इडिंढ पत्ता महायसा ॥ ४ ॥ तहेव अविणीअप्पा, देवा जक्खा अ गुज्झ-
 गा। दीसंति दुहमेहंता, आभिओगमुवट्टिआ ॥ ५ ॥ तहेव सुविणीअप्पा, देवा जक्खा य गुज्झगा। दीसंति सुहमेहंता, इडिंढ पत्ता महायसा ॥ ६ ॥ जे आयरिअउवज्झायाणं, सुस्सूसा-
 वयणंकरा। तेसिं सिक्खा पवइदंति, जलसित्ता इव पायवा ॥ ७ ॥ अप्पणट्टा परट्टा वा, सिप्पा नेउणिआणि य। गिहिणो उवभोगट्टा, इहलोगस्स कारणा ॥ ८ ॥ जेणं बंधं वहं घोरं, प-
 रिआवं च दारुणं। सिक्खमाणे निअच्छंति, जुत्ता ते ललिइंदिआ ॥ ९ ॥ तेऽवि तं गुरुं पूअंति, तस्स सिप्पस्स कारणा। सक्कारंति नमंसंति, तुट्टा निहेसवत्तिणो ॥ ४३० ॥ किं पुण जे
 मुअग्गाही, अणंतहिअकामए। आयरिआ जं वए भिक्खू, तम्हा तं नाइवत्तए ॥ १ ॥ नीअं सिज्जं गइं ठाणं, नीअं च आसणाणि य। नीअं च पाए वंदिज्जा, नीअं कुज्जा य अंजलिं ॥ २ ॥
 संघट्टत्ता काएणं, तहा उवहिणामवि। खमेह अवरहं मे, वइज्ज न पुणुत्ति य ॥ ३ ॥ दुग्गओ वा पओएणं, चोइओ वहई रहं। एवं दुबुद्धि किच्चाणं, वुत्तो वुत्तो पकुवई ॥ ४ ॥ (आलवंते
 लवंते वा, न निसिज्जाइ पडिस्सुणे। मुत्तूण आसणं धीरो, सुस्सूसाए पडिस्सुणे ॥ १ ॥ प्रक्षिमा) कालं छंदोवयारं च, पडिलेहित्ताण हेउहिं। तेण तेण उवाएण, तं तं संपडिवायए ॥ ५ ॥
 विवत्ती अविणीयस्स, संपत्ती विणीयस्स य। जस्सेयं दुहओ नायं, सिक्खं से अभिगच्छइ ॥ ६ ॥ जे यावि चंडे मइइडिंढगारवे, पिसुणे नरे साहसहीणपेसणे। अदिट्ठधम्मए विणए अकोविए,
 असंविभागी न हू तस्स मुक्खो ॥ ७ ॥ निहेसवित्ती पुण जे गुरूणं, सुअत्थधम्मा विणयंमि कोविया। तरित्तु ते ओघमिणं दुरुत्तरं, खवित्तु कम्मं गइमुत्तमं गय ॥ ४३८ ॥ त्ति बेमि, अ०९,
 उ० २ ॥ आयरियं अग्गिमाहिअग्गी, सुस्सूसमाणो पडिजागरिज्जा। आलोइयं इंगियमेव नच्चा, जो छंदमाराहयई स पुज्जो ॥ ९ ॥ आयारमट्टा विणयं पउंजे, सुस्सूसमाणो परि-
 गिज्झ वक्कं। जहोवइट्टं अभिकंखमाणो, गुरुं तु नासाययई स पुज्जो ॥ ४४० ॥ रायाणिएसु विणयं पउंजे, डहराऽविय जे परिआयजिट्टा। नीअत्तणे वट्टइ सच्चवाई, उवायवं वक्ककरे स
 पुज्जो ॥ १ ॥ अन्नायउंलं चरई विसुद्धं, जवणट्टया समुआणं च निच्चं। अलद्धुअं नो परिदेवइज्जा, लद्धुं न विकत्थई स पुज्जो ॥ २ ॥ संथारसिज्जाऽऽसणभत्तपाणे, अप्पिच्छया अइत्ताभे-
 ऽवि संते। जो एवमप्पाणमभितोसइज्जा, संतोसपाहन्नरए स पुज्जो ॥ ३ ॥ सक्का सहेउं आसाइ कंटया, अओमया उच्छहया नरेणं। अणासए जो उ सहिज्ज कंटए, वईमए कन्नसरे स
 पुज्जो ॥ ४ ॥ मुहुत्तदुक्खा उ हवंति कंटया, अओमया तेऽवि तओ सुउद्धरा। वायादुरुत्ताणि दुरुद्धराणि, वेराणुबंधीणि महब्भयाणि ॥ ५ ॥ समावयंता वयणाभिघाया, कन्नं गया दुम्म-
 णिअं जणंति। धम्मत्ति किच्चा परमग्गसूरे, जिइंदिए जो सहई स पुज्जो ॥ ६ ॥ अवण्णवायं च परम्महस्स, पच्चक्खओ पडिणीअं च भासं। ओहारिणिं अप्पिअकारिणिं च, भासं न
 भासिज्ज सया स पुज्जो ॥ ७ ॥ अलोलुए अक्कुहए अमाई, अपिसुणे आवि अदीणवित्ती। नो भावए नोऽवि अभाविअप्पा, अकोउहल्ले य सया स पुज्जो ॥ ८ ॥ गुणेहिं साहू अगुणेहिऽ-
 साहू, गिणहाहि साहू गुण मुंचऽसाहू। विआणिआ अप्पगमप्पएणं, जो रागदोसेहिं समो स पुज्जो ॥ ९ ॥ तहेव डहरं च महल्लगं वा, इत्थीं पुमं पवइयं गिहिं वा। नो हील्लए नोऽविय
 खिसइज्जा, थंभं च कोहं च चएसे पुज्जो ॥ ४५० ॥ जे माणिया सययं माणयंति, जत्तेण कन्नं व निवेसयंति। ते माणए माणरिहे तवस्सी, जिइंदिए सच्चरए स पुज्जो ॥ १ ॥ तेसिं गुरूणं
 गुणसायराणं, सुच्चाण मेहावि सुभासिआइं। चरे मुणी पंचरए तिगुत्तो, चउक्कसायावगए स पुज्जो ॥ २ ॥ गुरुमिह सययं पडिअरिअ मुणी, जिणमयनिउणे अभिगमकुसले। धुणिअ
 रयमलं पुरेकडं, भासुरमउलं गइं गय ॥ ४५३ ॥ त्ति बेमे ॥ अ० ९ उ० ३ ॥ सुअं मे आउसं! तेणं भगवया एवमक्खायं-इह खलु थेरेहिं भगवंतेहिं चत्तारि विणयसमाहिट्टाणा पन्नत्ता,
 कयरे खलु ते थेरेहिं भगवंतेहिं चत्तारि विणयमाहिट्टाणा पन्नत्ता?, इमे खलु ते थेरेहिं भगवंतेहिं चत्तारि विणयसमाहिट्टाणा पन्नत्ता, तंजहा-विणयसमाही सुयसमाही तवसमाही
 आयारसमाही। १६। विणए सुए य तवे, आयारे निच्चपंडिआ। अभिरामयंति अप्पाणं, जे भवंति जिइंदिआ ॥ ४५४ ॥ चउव्विहा खलु विणयसमाही भवइ, तंजहा-अणुसासिज्जंतो सुस्सूसइ
 सम्मं संपडिवज्जइ वेयमाराहइ न य भवइ अत्तसंपग्गहिए चउत्थं पयं भवइ। १७। भवइ अ इत्थ सिलोगो 'पेहेइ हिआणुसासणं, सुस्सूसइ तं च पुणो अहिट्टए। न य माणमएण मज्जइ,
 विणयसमाहि आययट्टिए ॥ ४५५ ॥ चउव्विहा खलु सुअसमाही भवइ, तंजहा-सुअं मे भविस्सइत्ति अज्झाइअब्रं भवइ, एग्गच्चित्तो भविस्सामित्ति अज्झाइअब्रं भवइ, अप्पाणं ठावइ-
 स्सामित्ति अज्झाइअब्रं भवइ, ठिओ परं ठावइस्सामित्ति अज्झाइअब्रं भवइ, चउत्थं पयं भवइ। १८। भवइ य इत्थ सिलोगो-नाणमेग्गच्चित्तो य, ठिओ य ठावइ परं। सुआणि य
 अहिज्जित्ता, रओ सुअसमाहिए ॥ ४५६ ॥ चउव्विहा खलु तवसमाही भवइ, तंजहा-नो इहलोगट्टयाए तवमहिट्टिज्जा नो परलोगट्टयाए तवमहिट्टिज्जा नो कित्तिवण्णसइसिलोगट्टयाए तव-
 महिट्टिज्जा नत्तत्थ निज्जरट्टयाए तवमहिट्टिज्जा चउत्थं पयं भवइ। १९। भवइ य इत्थ सिलोगो-विविहगुणतवोरए य निच्चं, भवइ निरासए निज्जरट्टिए। तवसा धुणइ पुराणपावगं, जुत्तो

१२५३ दशवैकालिकसूत्रं, अज्झयणं - ९

मुनि दीपरत्रसागर

सया तवसमाहिए ॥४५७॥ चउब्रिहा खलु आयारसमाही भवइ, तंजहा-नो इहलोगट्टयाए आयारमहिट्टिजा नो परलोगट्टयाए आयारमहिट्टिजा नो कित्तिवणसदसिलोगट्टयाए आयार-
 महिट्टिजा नन्नत्थ आरहंनेहिं हेऊहिं आयारमहिट्टिजा चउत्थं पयं भवइ ॥२०॥ भवइ य इत्थ सिलोगो-जिणवयणरए अतित्तिणे, पडिपुन्नाययमाययट्टिए। आयारसमाहिसंबुडे. भवइ
 य दंते भावसंधए ॥४५८॥ अभिगम चउरो समाहिओ, सुविसुद्धो सुसमाहिअप्पओ। विउलहिअं सुहावहं पुणो, कुब्रइ य सो पयखेममप्पणो ॥९॥ जाइमरणाओ मुच्चइ. इत्थं च चएइ
 सवसो। सिद्धे वा हवइ सासए, देवे वा अप्परए महडिठए ॥४६०॥ ति बेमि, अ० ९ उ० ४॥ विणयसमाहीणामज्झयणं समत्तं ९॥ निक्खम्ममाणाइ य बुद्धवयणे. निच्चं चित्तसमा-
 हिओ हविजा। इत्थीण वसं न यावि गच्छे, वंतं नो पडिआयइ जे स भिक्खू ॥ १ ॥ पुढविं न खणे न खणावए, सीओदगं न पिए न पिआवए। अगणिसत्थं जहा सुनिसियं, तं न जले
 न जलावए जे स भिक्खू ॥ २ ॥ अनिलेण न वीए न वीयावए, हरियाणि न छिंदे न छिंदावए। बीयाणि सया विवज्जयंतो, सच्चित्तं नाहारए जे स भिक्खू ॥ ३ ॥ वहणं तसथावराण
 होइ, पुढवीतणकट्टनिस्सियाणं। तम्हा उद्देसियं न भुंजे, नोऽवि पए न पयावए जे स भिक्खू ॥ ४ ॥ रोइयनायपुत्तवयणे, अत्तसमे मन्निज्ज छप्पि काए। पंच य फासे महब्रयाइं, पंचा-
 सवसंवेरे जे स भिक्खू ॥ ५ ॥ चत्तारि वमे सया कसाए, धुवजोगी हविज्ज बुद्धवयणे। अहणे निजायरूवरयए, गिहिजोगं परिवज्जए जे स भिक्खू ॥ ६ ॥ सम्मदिट्ठी सया अमूढे, अत्थि
 हु नाणे तवे संजमे य। तवसा धुणइ पुराणपावगं, मणवयकायसुसंबुडे जे स भिक्खू ॥ ७ ॥ तहेव असणं पाणगं वा, विविहं खाइमं साइमं लभित्ता। होही अट्टो सुए परे वा, तं न निहे
 न निहावए जे स भिक्खू ॥ ८ ॥ तहेव असणं पाणगं वा, विविहं खाइमं साइमं लभित्ता। छंदिय साहम्मियाण भुंजे, भुच्चा सज्झायरए जे स भिक्खू ॥ ९ ॥ न य वुग्गहियं कहं कहिजा,
 न य कुप्पे निहुइंदिए पसंते। संजमे धुवं (व) जोगेण जुत्ते, उवसंते अविहेडए जे स भिक्खू ॥४७०॥ जो सहइ हु गामकंटए, अक्कोसपहारतज्जणाओ य। भयभेरवसदसप्पहासे, समसु-
 हदुक्ख सहे यजेस भिक्खू ॥ १ ॥ पडिमं पडिवज्जिआ मसाणे, नो भायए भयभेरवाइं दिस्स। विविहगुणतवोरए य निच्चं, न सरीरं चाभिकंखए जे स भिक्खू ॥ २ ॥ असइं वोसट्टवत्त-
 देहे, अक्कुट्टे व हए लूसिए वा। पुढविसमे मुणी हविजा, अनिआणे अकोउहल्ले जे स भिक्खू ॥ ३ ॥ अभिभूअ काएण परीसहाइं, समुद्धरे जाइपहाउ अप्पयं। विइत्तु जाईमरणं महब्भयं,
 तवे रए सामणिए जे स भिक्खू ॥ ४ ॥ हत्थसंजए पायसंजए, वायसंजए संजइंदिए। अज्झप्परए सुसमाहिअप्पा, सुत्तत्थं च विआणइ जे स भिक्खू ॥५॥ उवहिंमि अमुच्छिए अगिद्धे,
 अन्नायउंलं पुलनिप्पुलाए। कयविक्रयसंनिहिओ विरए, सबसंगावगए य जे स भिक्खू ॥ ६ ॥ अलोल भिक्खू न रसेसु गिज्झे, उंछं चरे जीविय नाभिकंखे। इडिंठ च सक्कारणपूयणं च,
 चए ठियप्पा अणिहे जे स भिक्खू ॥ ७ ॥ न परं वइज्जासि अयं कुसीले, जेणं च कुप्पिज्ज न तं वइज्जा। जाणिय पत्तेयं पुण्णपावं, अत्ताणं न समुक्कसे जे स भिक्खू ॥ ८ ॥ न जाइमत्ते
 न य रूवमत्ते, न लाभमत्ते न सुएण मत्ते। मयाणि सब्बाणि विवज्जइत्ता(यंतो), धम्मज्झाणरए य जे स भिक्खू ॥ ९ ॥ पवेयए अज्जपयं महामुणी, धम्मे ठिओ ठावयई परंपि। नि-
 क्खम्म वज्जिज्ज कुसीललिंगं, न यावि हासं कुहए जे स भिक्खू ॥४८०॥ तं देहवासं असुइं असासयं, सया चए निच्चहिअट्टिअप्पा। छिंदित्तु जाईमरणस्स बंधणं, उवेइ भिक्खू अपु-
 णागमं गइं ॥४८१॥ ति बेमि, सभिक्खुणामज्झयणं १०॥ इह खलु भो! पब्रइएणं उप्पन्नदुक्खेणं संजमे अरइसमावन्नचित्तेणं ओहाणुप्पेहिणा अणोहाइएणं चेव हयरस्सिगयंकुसपोयप-
 डागाभूआइं इमाइं अट्टारस ठाणाइं सम्मं संपडिलेहिअद्वाइं भवंति-तंजहा-हंभो! दुस्समाए दुप्पजीवी, लहुसगा इत्तरिया गिहीणं कामभोगा, भुज्जो य साइबहुला मणुस्सा, इमे य मे
 दुक्खे न चिरकालोवट्टाई भविस्सई ५ ओमजणपुरक्कारे वंतस्स य पडिआयणं, अहरगइवासोवसंपया, दुल्लहे खलु भो! गिहीणं धम्मे गिहवासमज्झे वसंताणं, आयंके से वहाय होइ, संकप्पे
 से वहाय होइ १० सोवकेसे गिहवासे निरूवकेसे परिआए, बंधे गिहवासे मुक्खे परिआए, सावज्जे गिहवासे अणवज्जे परिआए, बहुसाहारणा गिहीणं कामभोगा, पत्तेयं पुण्णपावं १५ अणिच्चे
 खलु भो! मणुआण जीविए कुसग्गजलबिंदुचंचले, बहुं च खलु भो! पावं कम्मं पगडं, पावाणं च खलु भो! कडाणं कम्माणं पुब्विं दुच्चिन्नाणं दुप्पडिकंताणं वेइत्ता मुक्खो नत्थि अवेइत्ता
 तवसा वा झोसइत्ता, अट्टारसमं पयं भवइ। भवइ य इत्थ सिलोगो-१२१। जया य चयई धम्मं, अणज्जो भोगकरणा। से तत्थ मुच्छिए बाले, आयइं नावबुज्झइ ॥४८२॥ जया ओहा-
 विओ होइ, इंदो वा पडिओ छमं। सबधम्मपरिब्भट्टो, स पच्छा परितप्पइ ॥ ३ ॥ जया य वंदिमो होइ, पच्छा होइ अवंदिमो। देवया व चुआ ठाणा, स पच्छा परितप्पइ ॥ ४ ॥ जया
 य पूइमो होइ, पच्छा होइ अपूइमो। राया व रज्जपब्भट्टो, स पच्छा परितप्पइ ॥ ५ ॥ जया य माणिमो होइ, पच्छा होइ अमाणिमो। सिट्ठिब्र कब्बडे छूटो, स पच्छा परितप्पइ ॥ ६ ॥
 जया य थेरओ होइ, समइकंतजुब्रणो। मच्छुब्र गलं गिलित्ता, स पच्छा परितप्पइ ॥ ७ ॥ जया य कुकुडुंबस्स, कुतत्तीहिं विहम्मइ। हत्थीव बंधणे बद्धो, स पच्छा परितप्पइ ॥ ८ ॥

पुत्तदारपरीकिण्णो, मोहसंताणसंतओ । पंकोसन्नो जहा नागो, स पच्छा परितप्पइ ॥ ९ ॥ अज्ज आहं गणी हुंतो, भाविअप्पा बहुस्सुओ । जइऽहं रमतो परिआए, सामण्णे जिणदेसिए ॥ ४९,० ॥ देवलोगसमाणो य, परिआओ महेसिणं । रयाणं अरयाणं च, महानरयसारिसो ॥ १ ॥ अमरोवमं जाणिअ सुक्खमुत्तमं, रयाण परिआइ तहाऽरयाणं । निरओवमं जाणिअ दुक्खमुत्तमं, रमिज्ज तम्हा परिआइ पंडिए ॥ २ ॥ धम्माउ भट्टं सिरिओ अवेयं, जन्नगिगविज्झाअमिवऽप्पतेअं । हीलंति णं दुव्विहिअं कुसीला, दादुड्ढिअं घोरविसंव नागं ॥ ३ ॥ इहेवऽधम्मो अयसो अकित्ती, दुत्तामधिज्जं च पिहज्जणंमि । चुअस्स धम्माउ अहम्मसेविणो, संभिन्नवित्तस्स य हिट्ठओ गई ॥ ४ ॥ भुंजित्तु भोगाई पसज्झचेअसा, तहाविहं कट्टु असंजमं बहुं । गई च गच्छे अणभिज्झिअं दुहं, बोही अ से नो सुलहा पुणो पुणो ॥ ५ ॥ इमस्स ता नेरइयस्स जंतुणो, दुहोवणीयस्स किलेसवत्तिणो । पलिओवमं झिज्झइ सागरोवमं, किमंग पुण मज्झ इमं मणोदुहं ? ॥ ६ ॥ न मे चिरं दुक्खमिणं भविस्सइ, असासया भोगपिवास जंतुणो । न मे सरीरेण इमेणऽविस्सइ, अविस्सई जीविअपज्जवेण मे ॥ ७ ॥ जस्सेवमप्पा उ हविज्ज निच्छिओ, चइज्ज देहं न हु धम्मसासणं । तं तारिसं नो पइलंति इंदिया, उवित्तवाया व सुदंसणं गिरिं ॥ ८ ॥ इच्चेव संपस्सिय बुद्धिमं नरो, आयं उवायं विविहं विआणिया । काएण वाया अदु माणसेणं, तिगुत्तिगुत्तो जिणवयणमहिट्ठिज्जासि ॥ ९ ॥ त्ति बेमि, रइवक्कचूला १ ॥ चूलियं तु पवक्खामि, सुयं केवलिभासियं । जं सुणित्तु सुपुण्णाणं, धम्मे उप्पज्जे मई ॥ ५०० ॥ अणुसोअपट्ठिअ बहुजणंमि, पडिसोअलद्धलक्खेणं । पडिसोअमेव अप्पा, दायवो होउकामेणं ॥ १ ॥ अणुसोअसुहो लोओ, पडिसोओ आसवो सुविहियाणं । अणुसोओ संसारो, पडिसोओ तस्स उत्तारो ॥ २ ॥ तम्हा आयारपरक्कमेणं, संवरसमाहिबहुलेणं । चरिया गुणा य नियमा य, हुंति साहूण दट्टवा ॥ ३ ॥ अनिएअवासो समुआणचारिआ, अन्नायउच्छं पइरिक्कया य । अप्पोवही कलहविवज्जणा य, विहारचरिआ इसिणं पसत्था ॥ ४ ॥ आइन्नओमाणविवज्जणा य, ओसन्नदिट्ठाहडभत्तपाणे । संसट्ठकप्पेण चरिज्ज भिक्खू, तज्जायसंसट्ठ जई जइज्जा ॥ ५ ॥ अमज्जमंसासि अमच्छरीआ, अभिक्खणं निव्विगई गया य । अभिक्खणं काउस्सग्गकारी, सज्झायजोगे पयओ हविज्जा ॥ ६ ॥ ण पडिन्नविज्जा सयणासणाई, सिज्जं निसज्जं तह भत्तपाणं । गामे कुले वा नगरे व देसे, ममत्तभावं न कहिंपि कुज्जा ॥ ७ ॥ गिहिणो वेआवडिअं न कुज्जा, अभिवायणवंदणपूअणं वा । असंकिलिट्ठेहिं समं वसिज्जा, मुणी चरित्तस्स जओ न हाणी ॥ ८ ॥ ण या लभेज्जा निउणं सहायं, गुणाहियं वा गुणओ समं वा । इक्कोऽवि पावाई विवज्जयंतो, विहरिज्ज कामेसु असज्जमाणो ॥ ९ ॥ संवच्छरं वाऽवि परं पमाणं, बीयं च वासं न तहिं वसिज्जा । सुत्तस्स मग्गेण चरिज्ज भिक्खू, सुत्तस्स अत्थो जह आणवेइ ॥ ५१ ० ॥ जो पुब्वरत्तावररत्तकाले, संपेहए अप्पगमप्पगेणं । किं मे कडं किं च मे किच्चसेसं, किं सक्कणिज्जं न समायरामि ? ॥ १ ॥ किं मे परो पासइ किंच अप्पा, किं वाऽहं खलियं न विवज्जयामि ? । इच्चेव सम्मं अणुपासमाणो, अणागयं नो पडिबंध कुज्जा ॥ २ ॥ जत्थेव पासे कइ दुप्पउत्तं, काएण वाया अदु माणसेणं । तत्थेव धीरो पडिसाहरिज्जा, आइन्नओ खिप्पमिव क्खलीणं ॥ ३ ॥ जस्सेरिसा जोग जिइंदियस्स, धिईमओ सप्पुरिसस्स निच्चं । तमाहु लोए पडिबुद्धजीवी, सो जीअई संजमजीविएणं ॥ ४ ॥ अप्पा खलु सययं रक्खियवो, सव्विंदिएहिं सुसमाहिएहिं । अरक्खिओ जाइपहं उवेइ, सुरक्खिओ सव्वुहाण मुच्चइ ॥ ५१५ ॥ त्ति बेमि, विवित्तचरिआ चूला २ ॥ सूत्राणि २१२ ॥ दसवेयालियं ॥